




*I. Caselius.*  
R. *Tzegeneor*  
*nuptiis Henr. Julii Guelfii*  
*et Elisabetha, Cimbricis.*  
*Helmarsh. 1590.*






Early European Books. Copyright © 2012 ProQuest LLC.  
Images reproduced by courtesy of The Royal Library, Copenhagen.  
[N bis 299 [35, 184 4"]]





Early European Books, Copyright © 2012 ProQuest LLC.  
Images reproduced by courtesy of The Royal Library, Copenhagen.  
LN bis 299 [35,184 4"]



Early European Books, Copyright © 2012 ProQuest LLC.  
Images reproduced by courtesy of The Royal Library, Copenhagen.  
LN bis 299 [35,184 4°]



Early European Books. Copyright © 2012 ProQuest LLC.  
Images reproduced by courtesy of The Royal Library, Copenhagen.  
DN bis 299 [35.184 4]

$\frac{2}{3} = C \div \frac{2}{6} / 3 = 6$

35,-184-40

DA Box

(LN bis 299)



Nuptijs  
HEROIS HENRI-  
CI IVLII GVELFII  
&  
HEROINAE ELISABE-  
THAE CIMBRICAE  
TPIKOPEION  
Ioannis Caselij.



HELMAESTADII  
Excedebat Iacobus Lucius Mense Aprilis  
Anno CIO. IC. XC.



Ioannis Caselij  
TPIKOPEION.

L M A N A sese commouerat à Bru-  
steris ad boream, comitans iuuenum  
heroa HENRICVM IVLIVM. Volebat  
enim illa, ei prasto esset, cui plurimum  
deberet. Intelligit enim, se huius auspicijs deinceps  
ita coli & longè gentium, & in his potissimum locis,  
ut antè fuisse ab eiusdem patre, heroë IVLIO dedica-  
ta. Vbi aliquot dierum itinere confecto, in Mega-  
polin venit, ad Varnum substitit, salutatum sororem  
Rhoduntiam, cui nulla quoq; antehac gratior hospes  
illa venerat. Proferebantur, ut fit, epula lauissima:  
ii erant sermones de aliqua parte sapientia, eruditis  
conspersi salibus, varij & perpetui, ut somnum obli-  
uiscerentur id temporis. Quibus cum se oblectauis-  
sent, nec ad satietatem tamen, quarum non esset sati-  
as, & quid haberet in animo, aperuisset Elmana, co-  
mitem se sorori adiunxit Rhodutia, tum ut honorem  
heroi VLRICO & ipsa haberet, de se merito & me-  
renti optimè: tum ut ambæ conuenirent sororem Li-  
menin, præter quam trans mare non esset alia è cœlo  
A 2 sapien-

sapiencia præses. Ambæ pedibus ibant ad X. M. pas-  
suum, in ostium Varni: ubi condescendunt nauigii cum  
virgineo comitatu: hac maris non insolens, ut qua-  
ventitaret ad sororem sapientiam: illa mare oculis nun-  
quam aspicerat, et si cœlum & terras & maria o-  
mnia animo perlustrauerat. Nec magis ergo ventos  
& tempestates, & scopulos ipsa metuit, quam altera.  
Cœlo igitur sereno, tranquillitate incredibili, vento  
ita secundo, ut remiges quiescerent, deferuntur in  
portum aduersi littoris. Ibi Rhoduntia: In lit-  
tore, pedem fiximus, inquit, Dania: nec longe absu-  
mus à Limenidos sororis fano: atque eccam ipsam cum  
cœtu virginum, nobis prodeuntem obuiam. Illam  
ne virginem, inquit Elmana, amictu aque candido,  
vti nos sumus. Hic hac effata erant, cum, non  
properè, accurrit Limenis, hospites amplectitur: Ut  
mihi gratias, inquit, non ex oratione, sed & re  
ipsa cognoscite: sequimini me: non ædificii mole, sed  
scientia & studio sacra est hac ades: quantulacumq[ue], non  
magis mea, quam vestra est: quod tu non nescis  
Rhoduntia: tu crede mihi, Elmana, & huic. Quin  
rem videte: tres sumus ipsa: templo tres turres impo-  
sui: intus sunt sellæ totidem: nomen à numero nostro

Trico-

Tricorēon feci: vos mihi sacrum arbitramini: ego  
utriusque vestrum, immo utriq; sentio: vel, quod cum  
re maximè consentiat, commune sit tribus: nefas, ut  
dixi, mihi plus hic esse iuris, quàm vestrum alteru-  
tri. Quod videtis oculis, id nihil est: nec de fani  
communicatione quid arroganter dixerim. Animo  
vestro animum meum contemplamini: quem si pro-  
batis, atq; ut probetis, semper enītar sedulo, vester est:  
ipsaq; eo ipso, quo sum, qua sum, vestra sum, vosq;  
pro meis habeo. His dictis altera hospitum, dum  
parat respondere, in vestibulo iam fani erant. Itaq;  
quod ambæ habebant, ut dicent, id sentiunt: Et o-  
mnia tamen Limenis accepit, siue è vultus suavitatē,  
siue è silentij modestia. Ite intro, inquit, epula-  
rum hic satis est. Fertis enim ipsæ quoq; non minus,  
quàm inuenietis domi meæ. Quod videbitur, de eo  
inter nos sermo erit hodie. Sequimur, inquit  
Rhoduntia. Placetne igitur, inquit Elmana, ut  
nostra virgines cum tuis in hortos istos amanos, ut  
apparet, digressæ, ludant, aut inter se fabulentur?

Immo suscipit Limenis: ut Et ipsæ se nobis ca-  
ras esse intelligant, veniant una: area templi plures  
capiat: nec aliud sibi vult, quod haec semper aperta fo-

A 3

res:

res: ingredi licet cuius bono: alijs hoc templum ter-  
rori est vel ridiculo. Introeunt: ingressa ubi fue-  
runt, hospes longinquam & nouam hospitem primo,  
secundo loco vicinam collocat: ipsa tertio confidet:  
virgines ordine circumstant: immò nullo ordine, ut  
pares, modestè & silentio, quo altius non fuit in ma-  
gna Grecia quinquennij. Intus nec ebur, nec aurum,  
nec signum cerneret, neq; tabulam: exanimum nihil,  
viva omnia, pellucida omnia. Illa regum sunt, dea-  
rum alia: quod neq; poëta ignorat, dum regiam  
Menelai pingit. Quoniam, inquit Limenis, ali-  
mento non nutrimur alieno, Iuuentas nobis ministra-  
bit nectar. Etenim tu Elmana, quæ haberis natu mi-  
nima, mihi annis par es: & ego Rhoduntia, quam  
vulgus censet natu inter nos maximam: hac ita pu-  
ella, ut ipsamet, tu, ut ego. Non enim curæ nos illæ  
anxia honoris & opum exercent: satis dignitatis re-  
mum in virtute & sapientia: diuitias non in arca re-  
conditas, sed ex ingenio depromptas habemus, aut  
certè in promptu, quas nobiscū inter nos & cum alijs  
communicemus. Video vos & pernoui: facite quoq;  
ut vos audiam, vel gratia circumstantium: qua  
est conciosacerrima. Rhoduntia excipit: Hanc  
volu-

volumus audire, quam antè non audiimus. Au-  
dietis me, inquit Elmana, sed vos præte principes.  
Sed ego eadem curiosior, quas epulas primum inferri  
iubeatis, cupio cognoscere, siue cuiusmodi nectar  
fundi, ut hospes nostra modò loquebatur. Igitur Li-  
menis: Rhoduntia hoc munus delegabimus, ut iu-  
beat nos dicere, quod videatur. Etenim quid deceat,  
ipsa nostrum tenet maxime. Ibi, cum annueret  
Elmana, Rhoduntia: nec mea hospiti refragabor, nec  
comiti: et si ambæ scitis, quid huic loco & huic tem-  
pori conueniat. In nuptias nos quoq; (et si à paucis a-  
gnitæ, à primis tamen minime neglectæ venimus.)

HENRICI IVLII herois Guelphij, & ELISABE-  
THÆ heroinæ Cimbricæ. Est hic etiam è suis nuptiis  
nouus maritus IACOBVS, rex Scotiae: est VLRICVS  
dux Megapoleos, sponsæ utriusq; auis, uterq; mari  
hospes, hic vicino Ballico, ille longinquo Britanni-  
co: sunt regiæ gentes plures & regum ducumq; lega-  
ti. Sed hoccine aliquam vestrum fugiat? quod oculi  
hic quisq; videt, & per septentrionem adeoq; longi-  
us vulgus audijt. Desiderant alii duos, qui putaban-  
tur principes ante biennium futuri in hisce nuptijs.

Sponsæ patrem, a ii Elmana non ingrata inter-  
pella-

pellatione, dicitis & sponsi patrem, heros duos, regem  
FRIDERICVM & ducem IVLIVM. Recte acci-  
pis, inquit Limenis. Sciebat FRIDERICVS heros,  
sibi futurum generum, quem generum non vidit. In  
prima enim, sed certa tamen illorum consiliorum te-  
la, ex mortalibus abijt, quod nec ipse putarat, nec fe-  
rè quis omnium metuerat. Ipsi anni duo sunt hoc A-  
prili. De nuru certissimus erat heros IVLIVS, quam  
nec ipse vidit. Etenim, cum superiore autumno Fa-  
ti monitu omnia demandasset filio, & ipse è mortalium  
consuetudine exemptus fuit: quo mēse ille sponsam do-  
mum ducere decreuerat: qui annus erit mense altero.  
Ego Maio futurū reor, ut hinc ad Bructeros regina  
venerit: futurum certo policeor, ut nostri sermones  
innotescant pluribus: quos ut multi pauciue probent  
nostra referre non arbitror. Neq; enim fas est, stare  
quorumq; calculis: nefas, sentire aut effari, quin re-  
ctum sit. Mortales illi erant: quod ita natum fuerat,  
ut periret olim, terra creditum fuit cum pompa &  
luctu. Splendorem funeris mirata fuit plebs, dolo-  
rem acceperunt sapientes. Nos, quod non interit,  
non conseruabimus, sed obseruabimus, eiusq; memo-  
riam sempiternam mortalium auribus & animis  
insinua-

insinuabimus. Sic enim virtuti aliquid pramii datur, & sic minores ad virtutem informantur. Nec enim ad posteros tantum pertinent hæc pronunciata in tragœdia:

Ἐτοι λείψαντα τῶν ἀγαθῶν  
ἀνδρῶν ἀφαιρέσθη  
χρόνος. Αὐτὸν ἀρετὴν  
καὶ θεωροῦ λάμπει.

Nequaquam reliquias bonorum virorum tempus auferet.  
Virtus autem lucet etiam via funeris.

Sed illa virtutis lux & memoria memorabilium rerum gestarum extinguatur, nobis tacentibus. Nos hoc autem virtuti debemus, & de virtute & sapientia præclarè meritis. Ante à nobis fuit aliquid præstitum: faciamus, ut sint in hisce quoq; nuptiis cum latitia: nec attinet, si populus hoc non intelligat: sapientes sine luctu nouerint. Proinde illos producamus: tu, Limeni, tuum regem, tu Elmana, tuum ducem prædicta. In vestris enim præconiis magis aderunt, quam uspiam cum satellitio fuerint. Adeste iam ad imperandum, ut olim loqui solebant: quando ita amba voluistis. Ibi maior: paremus ultrò, ut & ipsa pro sorore respondeam. Facis, inquit minor, quod debes & quod volo, soror. Sed tu praibis. Namq; rex tuus prior abiit, & eius prior dignitas, & tu maior, & ego, ut subsequar, ex te didicero.

B

Inst.

Insistam enim tuis vestigiis, quod potero. Tum  
Limenis: Quasi in conuiuio musico, cuius et partes  
sunt; prior canit, nec sibi id persuaderi sinit, sed spon-  
te facit: ita quod vis, non quia vis, tametsi hac quoq;  
gratia, sed quia omnibus de causis debeo, dicam de  
FRIDERICO II. rege Dania, grata ipsa pro gratis  
omnibus, multa dicam, non ita muliis verbis: nec  
tamen, qua dici possent, & sine reprehensione diceren-  
tur, omnia. Relinquam enim, que de maioribus,  
de regnorum amplitudine, de rebus secundis FRIDE-  
RICI, siue dicta ab aliis sint, siue non dicta. Per-  
multa enim in his siue à nemine dum eruta, siue non-  
dum omnibus proposita sunt: & memoratu digna,  
(quid negem?) & vita utilia, si quis usum querat.  
Sed quando ita multa hoc tempus non capit, si non  
per nos metipas, at per alios, iis missis, dicam de re-  
gis illius propriis bonis, qui tamen illa quoq; sibi sem-  
per propria fecit, omnibus utendo bene: ipsa quoq;  
propria delibabo potius, quam pertractabo, minimè  
affectans laudem oratoriam: atq; haud scio, an regi  
optimo laudem maiorem tribuere possim, quam hu-  
manitatis. Digna est, fateor, uno quoq; homine hu-  
manitas: nec homo sit, à quo absit humanitas. In  
quo

quo enim vultus toruitas, vocis asperitas, sermonis  
proteruitas, à quo facta crudelia, vel quiduis iniu-  
riarum : ingenij aprorum, luporum & tigrium plus  
habent, quam hominum. Humani sunt, à quibus il-  
lius generis omnia absunt : in quibus contra, animus  
tranquillus & integer, ex quo fonte lypidissimo,  
sunt in vultu serenitas, in sermone comitas, in omni-  
bus rebus rectitudo & beneficentia. Nec vero quis  
existinet, qui ab humanitate laudetur, cum tenuiter  
admodum, & non nisi vulgari modo laudari : quan-  
do quoq; inueniuntur in infimis, qui humanissimi  
sint, & iure prædicentur : vix aliqua re cum regibus,  
ut arbitrantur, comparandi : et si qui veritatis iudi-  
ciorum stare velit, non inficietur, rectè cuiuscumq; homi-  
nis cum quicunq; homine contentionem fieri. Nos  
tamen & illud dabimus, & hoc alterum docebimus:  
ut minimi maximiq; sint homines, humanitate orna-  
ti, ita eorum humanitatem estimari. Nec enim in-  
fimi humanitas laudem exiguum meretur : maio-  
rem fortunati beneq; merentis de plurib. maximam  
regum conseruantium cura & bonitate sua uniuer-  
sos populos, neq; solum singulos benevolentiaq; dignos  
ornantium. Hanc ego humanitatem maximarum

B 2

virtu-

virtutum apicem dixerim : nec ei aduerser, qui deitatis particulam esse contenderit. Summus enim ille & perpetuus uniuersitatis custos & conseruator, et si in hisce infimis tolius partibus perpetua cura sine cura curat omnia, prcipuam tamen gerit pro mortali- bus , nec eum falso humanissimum etiam sapientes predicarunt. Cui diuinam hancce laudem tribuo, eum secundum Deum in cælo colloco, pñeqꝫ Deum ipsum facio : certè hac in parte cum Deo compa- ro : neqꝫ vos mihi aduersaturas puto. Rex igitur, in quo humanitas, princeps inter homines, secundus à Deo est : ne quideiusmodi dicam, quod homines mi- nus capiant : nec eò princeps omnium succenseat, cui quidquid est boni, tamen & homines & nos ipsæ ac- ceptum feramus. Sed humanitatem regis mei spece- mus proprius. Cui enim ille, nisi pessimo & profliga- tissimo, male voluit ? aut potius , cui mortalium, vel satis bono, non voluit bene ? quem ille truculento aut toruiore vultu suorum vel hospitum intueri visus fuit ? neminem profecto, nisi nocentes & inuisos o- mnibus. qua ille non serenauit adspiciens ? Itaqꝫ ubi- cungꝫ consisteret, quoie pedem ferret, neminem loco fugere, multos confertim accurrere videres. Quem  
ille

ille à se repulit? quem ille non audiuit? quem in aditu  
trepidantem vel nutu vel verbo non confirmauit? cui  
non respondit comiter? quem absq; re aut bona spe  
dimisit ex oculis? nisi quis forte sibi desperatus, E  
malo quoquis dignus foret. Atq; is erat passim, E  
quacunq; in parte regni, E in alienis prouincijs: nec  
fuerunt facta hac humanissimi animi signa, uti sàpè,  
vel non leuia beneficia, animo minus beneuolo, con-  
feruntur. Facta inter mortales mentiuntur, et si ab-  
surdum videatur, quod res sit, non esse rem: nedum  
vultus E oratio. Sed nulla tamen sibi constat simu-  
lacio: fieri non potest, quin vacillet, cum stare videa-  
tur, aliquando ante oculos concidat. Non fallunt,  
quaer perpetuo fiunt: quaer itidem uno loco, ut alio.  
Priuatus quispiam in forum viamue prodiens, ele-  
gans E honestus est: idem forte domi sordidus, uxori,  
liberis, familiæ grauis, prorsusq; nihil. Item rex  
nullo negotio de bonitate E clementia plebi persuase-  
rit. Vulgus splendorem spectat, dextras videt, au-  
dit orationem: nec ex aliis iudicat, quam qua sen-  
sibus capit, quos ipsos habet hebetes: cetera non intro-  
spicit, nec hoc facto opus intelligat: nec si attentè con-  
sideret, rectè tamen diudicet: immò sapientes E re-

B 3

rum

rum peritos multis in oculos incurrentibus, præsertim  
si inter se illa consentiant, circumscriptos animad-  
uertimus. Quis iste fuerit sub dio, inquis oculis omni-  
um, dixi: non fuit alius sub tecto in familia, siue ea  
esset amplissima, siue artissima. nisi fortè melior: atque  
hoc verbum si fari non licet, in ipsa regia sese fuit præ-  
stantior. Etenim ut à summo ordinar, quis priuatus  
uxoris fuit amantior? de quo ne suspicio in cuius-  
quam animum sinistra irrepserit. Quæ reges cogi-  
tant, multi eos sape cogitare cogitant, & pœnè vident:  
quæ faciunt, fama repente disseminat in vulgus o-  
mnia, & re multò maiora efficit. Itaque regina, SOPHIA  
Megapolitana, erga ipsum, ut erga Hæctorem An-  
dromache, quem sibi omnia esse sentiret, diceretque cum  
tumifingendi locus non daretur.

ateres,                  ἀπέροι μοι εστι πατήρ γὰρ πέντε μῆνες  
mater,                  ηδὲ καστίγντος, οὐ δέ μοι διά τε παρακείτης.  
frater:                  ad omnia non solum quæ iuberet & annueret, sed quæ  
mibi                  ipse sentiret, paratissima: quod ipsa animo & mente  
ritus.                  heroica intimos sensus mariti semper nosset: ut esset  
                inter regem & reginam munium imperium bene-  
uolentia. Quis amantior item liberorum? sed hic  
campus non leuiter transilietur: atque huic locus erit

paulo

paulo post. Contineo me in regia, et si alio quoque pro-  
perat oratio. Semper est in regia, familia ipsa, & hac  
multiplex: semper hospites ( Neque enim hoc Ascrans  
ille reges docuit: neque nullos esse accipiendos, neque mul-  
tos tamen: in regijs enim quotidie apparent hospites,  
rarorque pauci ) hi vero aut reges & principes, aut le-  
gati amplissimi, aut priuali, vel litteris eruditi, vel  
cultiores militiae. Non agam de exceptione, non de  
epulis, non de xeniis, non de deductione: et si hanc sunt  
humanitatis sive signa, sive opera. Sermones tam le-  
pidos, quam graues, & animorum benevolentiam  
indicare in promptu est: negotij quoque mihi res foret  
referre, non omnia, sed aliqua, quemadmodum acta  
sunt. In omnes fuit munificus: nec munificentior ta-  
men, quam benevolentior. O gratam vero grati-  
am cuius, quae a gratia proficiscitur. Et Dei fa-  
vor & regis animus, pluris estimantur, quam que  
illi in nos conferunt: et si hic dare potest maxima, ille  
in dies cui non largitur maiora maximis: quo ma-  
ior ipse omnibus, sive ipse potius, unum, verum, bo-  
num. Etiam vero reges quicunque fortunatos non  
dimitunt sine muneribus: neque negliguntur, quorum  
operam aliquando in bello requisitum iri suspicentur.

Hic

Hic vero etiam tenuum rationem habuit, exulum  
principiis litteratorum. Igitur ad eum utriq; con-  
fugerunt, nec facile quis spe frustratus fuerit, nisi cui  
fortuna in perpetuum hostis fuisse videatur. Tan-  
tum eius erat erga utrosq; studium. Quod ad do-  
mesticos, qui semper in aula prasto essent; nemo fuit  
inuentus, qui quereretur. Quod ego non eò predico,  
quòd magnum esse putem: sed quod rarum: etsi qui  
sua negligunt, ut principi seruant, eos negligi ini-  
quissimum est. Hic in tempore erant curata omnia,  
ut non solum ne qui egerent, sed omnes abundant-  
erent: tum qui operam suam prastarent, tum qui rude do-  
nari voluissent. In omnibus autem, aut de repub-  
bene meritos, aut huic tam nobili studio deditos, or-  
nandos sibi putauit singulariter. Facilius autem  
plures àquè beneficos reperias, quam regem tam ad-  
mirabili facilitate & comitate erga suos, potissimum,  
quorum fidem experius fuisset, aut in quibus inesse  
judicaret. Iudicium autem faciebat non ex vita,  
quam priuati in multis explorare longum & difficile  
regi foret, sed statim ex vulnu & sermone utriusq;  
si ille constans, hic nusquam hallucinaretur. Timi-  
di enim aut mali aut imperii vita sineq; prudentia:  
& in

Et in verbis hæitant, qui vacillant animo: nec ex  
lympido fonte, nisi lymphidus promanat riulus. Ani-  
mo sui similes amabat, cum his ita fabulabatur, ita  
iocos miscebat, ut cum paribus. Quid poterat fieri  
humanius, quam ut se ad priuatum, sed in quo vir-  
tus eluceret, Et in omnibus veritas, demitteret, vel  
hunc ipsum secum compararet: non solum prater con-  
suetudinem regum Et potentum, sed etiam paullò for-  
tunationum aut nobiliorum: immò in tenuioribus sa-  
pè arrogantiam non ferendam deprehendimus. Su-  
is igitur moribus se animo esse regio demonstrauit:  
molestias perpetuarum in gubernatione curarum fa-  
cile detersit siue minuit: ut duri Et tristes contraria  
ratione sibi acerbiorem, ita hac rectissima ille sibi sua-  
uiorem vitam reddidit: immo conuictum omnem o-  
mniuum suavitate condit: nisi si quem minimè bo-  
num animus male conscius torqueret: cuiusmodi pe-  
stem apud cœlites etiam Erinnyes cruciarent. Acer  
etiam erat in hac censura, ut aut nunquam aut raro  
falleretur. Studuerat enim ab initio summa dili-  
gentia, ἐν προσέν, ut Plato loquitur libro de legib. quem  
Scaliger diuinum diuinitus nominauit, hoc est, non  
ming hoc atq; illud, quod ei si utrumq; rectum, tamen  
prius absq; altero neq; satis tutum, Et imperfectum

C

est

est, fulcro prudentiae altero destitutum: studuerat, in-  
quam, cum ipse sincerus esset & integer, ut talis quoq;  
haberetus ab omnibus, nec minus atq; fortissimus il-  
le Pelei filius: deinde, ne ab alicuius adulterini blan-  
da fraudiloquentia delinitus, circumscriberetur.  
Sape ab improbis falli stupor vel imperitia est: nun-  
quam, vix hominis: aliquando, si non perfecti sapi-  
entis; haud tamen alienum est à sapiente, eoq; homi-  
ne nato. Nec falsum, probissimum quemq; facile de-  
cipi. Quis sit, quando sapiens ad fallaciam conni-  
ueat, ne omne officium declinare & humanitatis ob-  
linisci censeatur. Nec aquum est, ut detestabile il-  
ludingrati animi crimen beneficentie cursum retar-  
det. Nos quoq; de multis benè merita fuimus, aut  
benè mereri studuimus: quorum ingratos animos,  
etiam prauisos, experta fuimus: quos tamen habere-  
mus in gratissimis, si beneficia nostra quantulacunq;  
non haberent despiciunt. Caterum in regia senatus  
regni est: et si non semper aula septus parietibus, &  
in illa & per regni prouincias amplissimus: è cuius  
maiestate cum qua ipse maiestate præfulgeret, eam  
hausisset, unumquemlibet senatorum, & ut mino-  
rem amauit, & ut quodammodo parem veneratus  
fuit: quæ suaderent, rata habuit: nec res arduas sine  
eorum

eorum consilio voluit aggredi: etiam in patres referri optimum quemq<sub>z</sub> voluit, quo E<sup>G</sup> facilius imperaret & felicius. Tuislit autem fructus huins sui animi, siue obseruantia siue humanitatis uberrimos: ex pluribus duo sunt primi, vel instar omnium: quod moniti, E<sup>G</sup> p<sup>a</sup>nè ultrò, filium natu primum, CHRISTIANVM, regem designarunt, E<sup>G</sup> postquam pater in his terris esse desit, pupillo regi pro patre rege suni, E<sup>G</sup> regnum administrant, ut aquum est patres patriæ. Alio quoq<sub>z</sub> commemorem item magna, in quibus regi obsecuti fuerint, testantia summam erga ipsum obseruantiam, E<sup>G</sup> animi ipsorum integritatem, alienam ab inuidia: ut quando regem adiuvcrunt, ut virtutem in hospitibus non minus ornaret, quam in suis, nec id opibus tantum, sed E<sup>G</sup> honoribus: sed ille locus ab aliis ante illustratus fuit. Verum certissimi cultus argumentum extiit à morte regis. Videre enim erat tūm maximè tristes, veroq<sub>z</sub> luctu squalidos regni principes, omnium quidem querelas audire, sed horum in primis liberas voces: se non regem, sed amicum, non amicum, sed patrem, non patrem, sed fratrem amisisse morte sui regis: et si patris nomine nihil magis dici potuisse videretur, tamen appellatione nominis fraterni plus humanitatis, ut altero plus solli-

citudinis, indicari censuerunt: ac certè pater ille  
fuit non illis solum, qui auctoritate, dignitate, fami-  
lia, fortunis, præstarent populo, sed etiam in uniuersum  
omnibus in utroq; regno, & Dania & Norue-  
gia & viriusq; omnibus prouinciis: nec fuit aliquis  
ita humilis ex infima plebe, cuius salutem sibi cura es-  
se non minus, quam patri salus sit liberum, ostende-  
rit: quod cum aliis in rebus omnibus, tum in aqua-  
bili iurisdictione appareret maxime. Nam sententias  
etiam tulit acres aduersus potentiores, ut tutæ essent in  
omnibus virtus & innocentia. Supereſt, ut unum  
adhuc genus munificentia attingam, quo uſus fuit  
erga religionem & litteras. Neq; enim sine litteris  
explicatur religio: neq; aliquid est doctrina absq; ob-  
seruantia numinis: quò & virtus ipsa respicit. Itaq;  
ut à patre acceperat, ita ipſe quoq; cœlestium oracu-  
lorum interpres nulla re egere passus fuit: tum ut  
sacris meditationibus & precibus vacarent, tum ut  
miseros ipſi ante omnes subleuarent: ne docere tan-  
tum optima vita præcepta viderentur, sed ipſimet ex-  
emplis populo præarent. Plariq; enim moribus magis,  
quam oratione ad rectè agendum permonentur. Ve-  
reor, ne hic plura flagitetis. Nimis namq; longum  
foret, ut cauerit, ne si qua contentiones, ut ultra ma-  
re acci-

re accidit, exorirentur, aut si quæ promicarent, pre-  
merentur, quasiq; suffocarentur continuo. Sciebat  
enim opinionum diuersitate repente distrahi animos,  
Ex animorum diuulsione turbas oriri, sape exiti-  
osas, semper priuatim publice q; noxias. Cursu ora-  
tionis Ex ratione ordinis ad me nunc ipsam, sive ad  
litteras omnesq; ingenuas disciplinas venio, quarum  
me antistitam intelligitis, ut tu Rhoduntia, in maris  
huius altero littore, tu Elmania loco intra Albim Ex  
Visurgim non minus ameno, quam nobili, amba a-  
pud populos Germania fortissimos. Saxones enim  
præ multis Germania populis et constantia dictorum  
factorumq; Ex manu valere semper existimati fue-  
runt. Nihil prædicabo de me, quam pro regni inco-  
lumentate semper excubem, fundos colens ingeniorum,  
Ex sapientia virtutisq; semina sollicitè iaciens, ex  
quibus seges egregiorum facinorū, otij beataq; inter  
mortales vitæ certissima prouenit. Nec meos mystas  
prædicabo: ut ex nutu meo Musis sacra quotidie fa-  
ciant, nec quis omnium suas partes negligat: nec ipsi  
velint, nec ipsa patiar. At vos ingenium meum de-  
vestro perspexeritis. FRIDERIC regis curam de lit-  
teris, Ex erga earum magistros regiam munificentia-  
am, ne omnis quidem posteritas satis dignè prædica-

C 3

re pote-

re poterit. Ni fallor, exemplo si longe gentium hac  
regis dextra, & in omnes partes reipublica redundans liberalitas. Ad quos enim ordines, ad quæ loca  
pertingunt litteræ, inde fugiunt barbaries & miseria;  
ibi sedem figunt boni mores & felicitas. Quod cum  
ita esse principes & ciuitates partim sapientum mo-  
nitis persuasi, paruum usu rerum tot annis labentibus  
edocti, intelligerent, considerunt per Europam pri-  
marias bonarum artium Academias complures:  
quas tamen alij aliis habuerunt liberalius, non solum  
ut doctores commode in otio essent, sed etiam ingenii  
tenuiorum consulteretur. Locupletibus enim ipsa gra-  
tis discendi commoditas pro quanto beneficio est?  
cum olim fortunatorum hominum liberi sophistis  
non exiguum mercedem penderent, quorum arro-  
ganti et minuta opera sciolli potius et loquaces, quam  
docti & eloquentes fierent. Nunc porro opus est, ut  
qua regiè fundata sunt, sarta tecta conseruentur, &  
sint officina virtutis & sapientia, integritatis & ve-  
ritatis, profligata sophistica cum mendacio, & frau-  
de cum petulantia. His enim ubi locus sit, alteris la-  
cus esse non potest. Sequitur, ut in alterum quoque  
littus oratione digrediar. Nec enim vel regni am-  
plissimi limitibus humanitatem, quæq; ab ipsa sunt,  
officia

officia terminauit, sed illam & ad posteros extenderit, ut ex iis, qua diximus, videre fuit. Verbo etiam hanc partem complectar: quibus se amicum diceret, iis erat amicissimus. Quis nescit autem, ut se erga consanguineos & necessarios gesserit? ut sacerum, VLRICVM, ducem Megapol. pro patre, socrum, ELISABETHAM Cimbricam pro matre coluerit. Itaq; ex breui intervallo conueniebant: & ille ab auia, heroina sapientissima, nepotes neptesq; ab infantia educari volebat. Nouerat enim illius plus quam maternam sollicitudinem. Raro inter reges & magnates, immo inter priuatos humiles ita viuitur: quo admirabilior hac est coniunctio, & laudem maiorem meretur. Nec omitto fidem regis erga imperium, quam etiam accuratis litteris paucis ante obitum diebus declarauit, & cohortans amicos ad necessariam cogitationem, et sua omnia seq; ipsum pollicens. Eas enim esse in commune caput conspirationes, ea impendere omnibus pericula: cuiusmodi nisi diuina bonitas auertisset (miras enim huius biennij conuersiones vidimus) multis profecto vicinis gentibus pro otio esset calamitas. Itaq; non curiosam, sed sanctam curam, hodie quoq; meminisse, vel potius in se suscipere principes, non ut ipsi aliquid moliantur, quod foris

fortè Alecto aliqua consulat, sed se suosq; aduersus  
insidias opibus, copiis, consilio muniant; si quid ali-  
ud, erat opera & premium. Sed ex longinquo in conclu-  
ne regium reuertor, & ad illud, quod in principio et  
modo etiam attigi: quod est humanitatis primum  
munus. Nec enim humanitatis genus prius est, nec  
maiis hoc affectu, quo erga eos sumus, quos genui-  
mus. Sed hic amor regibus communis est cum insi-  
mis mortalium: in quibus non insit, segregentur à  
cœtu hominum & habeantur infra belluas, in qua-  
rum multis huius affectus sunt vestigia: sed sine ra-  
tione: in hominibus non par ratione. Qui hac duce  
& magistra suos amant, rectè amant: & in his est  
humanitas, non nuda aliqua benevolentia, aut cacu-  
tiens, sed oculo perfecta mentis prudentia. Ita & fili-  
os & filias charos habuit rex FRIDERICVS. Pro-  
inde eam liberorum cepit educationem, quam dixi:  
pertexuit ipse feliciter, quandiu in viuis fuit: illi  
reliquæ, adeoq; eorum vita prospexit viuis in tem-  
pore. Filias enim pubertati proximas destinauit spon-  
sis lectissimis, primam heroi HENRICO IVLIO.  
Brunswigensem & Lunaburgensem duci, secun-  
dam IACOBO, regi Scotiae: de quibus ut sit hic di-  
cendi locus, supra modum angustus est. Nuptum  
dari

dari melius non potuisse, omnes clamant. Ecquis enim regum filiabus duos tales generos inuenisse putetur à multis saeculis? De filiis item agam paucis. In omnibus maximum, quòd iis educationem regiam vidit. Quod enim regnum parauit legitimis, ut id ipse adeptus fuerat, modis, paruum erat, Et haud scio an bonum, nisi eidem artem gubernandi relinqueret. Non reliquit, sed egit, ut nihil diligentius, ut relinqueret: stare iam vidit filium in vestibulo disciplina regia: qui etsi non magnis passibus per aetatem poterat progredi, tamen bonam Et patri Et regno de se spem commouerat. Quanto plus in se desiderabat, hoc magis urgebat id opus sanctum Et necessarium. Sapè ex eo, stomachante non leuiter, auditum fuit, ut puer indulgentius habitus fuisset à magistro, quam oportuerat: eoq; nomine nihil illi gratia deberi. Ac certè, ut qui quos ad recta vita rationem bona fide educant, iis persolui satis dignum præmium non potest: ita malum merentur, immò pessimum, qui cum has partes in se susceperint, qualibet de causa aut negligenter, aut peruersè, aut minimè officium faciunt. Videbat enim iam, quanti esset, non indui purpura, dextra tenere sceptrum, caput habere redimitum aurea gemmata corona: Sic namq; etiam in

D fabulis

fabulis leo pingitur: sed vigilare, despicere omnia non  
luminibus illius Argi, sed oculo mentis prudentia, de-  
sperata tollere, prava corrigere, fulcire recta, propul-  
sare iniurias & calamitates. incolumentem regni  
& fortunas ciuium tueri, & qua buc pertinent, ar-  
dua omnia: in his omnibus, non ad ostentationem,  
panè puerilem, aut nominis celebritatem inanem, o-  
pus esse litteris intelligebat. Ac sane sine litteris pleriq;  
mortaliū vel nihil vel parum admodum vident:  
quiq; adeò sine litteris aut nativa luce ingenij aut di-  
uturno rerum usu multum videre existimantur; ijdem  
duplum viderent benè educati & eruditii litteris,  
nec specie aliqua à recto auerti queant, quod illis  
persape etiam accidit. Littera & recta, & tuto, &  
si non subito, nec tamen sero, ducunt ad sapientiam,  
qua est regnum & ciuitatum tam inter sauisimos  
fluctus & grauissimas tempestates, quam cœlo sereno  
& mari tranquillo, regis gubernaculum sue ipsa gu-  
bernatrix. Est enim gubernatoris manus, & gubern-  
aculum, mens & animus, sapientia. Ex iis porro,  
qua à me dicta sunt, non solum humanitas regis elu-  
cescit, sed multæ etiam virtutes aliae. Nec possunt u-  
ni non comitari cetera: nec inueniatur vir bonus,  
qui & præditus su reliquis: quod ut primum una  
ex omni-

ex omnibus deficit, de illius præstantia tantum dece-  
dit, ut qui prius diceretur, deinceps ne haberet quidem  
ille possit. An vero non ipsum regiae liberalitatis iu-  
bar oculos vestros præstrinxit? an non itidem pru-  
dentia & iustitia radij ex eadem humanitate fulse-  
runt? nec potest latere magnus & excelsus eiusdem  
animus. Ab humili enim & abiecto illiusmodi fa-  
cta non emergunt. Nec quis maiora putet, bellum  
gerere, in acie configere, arces munire, exercitum a-  
lere, arma parare & commeatum, victoria potiri.  
Hæc enim & ab aliis administrantur, quibus illæ  
laudes non competit. Quod si quis tamen de iis do-  
ceri aueat; bellum diuturnum gessit & graue, eoq;  
sublato, pacem restituit, & otium suis populis ita con-  
firmavit, ut qui neminem lacestiuerit, ubi ex re di-  
dicisset, quantum in bello mali, quamq; omnis o-  
mnium iis motibus felicitas laderetur, à nemine  
quoq; lacestitus fuerit: eratq; ille à copiis, ab arario,  
à commeatu, terra mariq;, à ducibus & consilio  
ita instructus, ut nullius hostis potentiam extimesce-  
ret: qua omnia curet prudens & fortis animi prin-  
ceps. Prudentia verò cum in otio semper ali-  
quid gerere iubeat, quid non egit ille consilio suo et sa-  
pientissimi senatus? ut pietas sine disceptatione

D 2 colere-

coleretur, ut materia nusquam esset intestinorum  
motuum, ut ius aquum diceretur, ut omnes tui es-  
sent ab iniuriis, ut mercimonia exercearentur, nec  
quis sibi à grassatoribus piratisue metueret, ne fames  
in aliquam insulam, aut oppidū, aut villulam tot gen-  
tibus hinc inde disseminatis, inuolaret, aut serperet:  
ut importarentur ex vicinis prouinciis et longinquis  
etiam terris necessaria: quamquam multo plura ex-  
portarentur in alterum littus, quib ampla et frequen-  
tia ciuitum celebres urbes carere nequirent, longeq i-  
tem gentium, qua nauigia aliis copiosis & multiplici-  
bus mercibus onusta, iter in Daniam relegerent.  
Sed omnes partes, siue rationes prudentia uno loco  
concludere nec ipsa conabor, nec fieri possit. Hac e-  
nim omnes virtutes, & quidquid est honestarum a-  
ctionum dirigit, & vita modesta, temperatrici volu-  
ptatum corporis, praesidet. Neq vero his indulxit rex,  
sed cum ab impurioribus abhorreret, easdem in uno  
quolibet detestatus fuit: nec somno indulxit, nec igna-  
uo otio: cum cibos haberet in mensa sic paratos &  
conditos, ut mos est culina regiae, non contempsit vul-  
gares: quin hoc genere libenter fruebatur: nec mi-  
rum, qui vel è venatione, vel è peregrinatione famem  
adferret & suim: qua incommoda, ut falso iudica-

tar,

tur, paulò fortunatores longè fugiunt, præ sinistro  
deliciarum studio: cum verius commoda sint, qui-  
bus insalubres deliciae declinentur, & hoc pacto panis  
ater & ius Laconicum vincant omnes delicias. In-  
uitabat quidem ille se largius, siue id erat ex hoc cœ-  
lo, siue è moribus & harum & istarum gentium, siue  
è prima consuetudine, ut homines semper aliquid  
prætexunt suis erroribus. At nos non minus rectè lo-  
qui, quam rectè sentire par est: nec laudare, nisi re-  
cta: nec minus recta pingere: nec in ea, qua ab homi-  
nibus non capitaliter errata viderimus, acerbè &  
contumeliosè inuehi. Valeat igitur, quisquis ille fu-  
it, qui causa seruiens, ut alteri sceptro liberum sub-  
iiceret, & hoc regnum maiestate spoliaret, ut Ther-  
sites vel Scytha quispiam, regem laudatissimis regi-  
bus non inferiorem contumeliosè adoriri ausus fuit:  
non intelligens, aliud esse classem & exercitum, ali-  
ud dicacitatem & planstra orationis maledicæ. Hæc  
nostra non est ratio. Etenim malos mittimus: pro-  
bos siue mediocres ferimus: qui præstant ceteris, eos  
debitis laudibus afficimus: atq[ue] hi si quid ut homines  
fecerint, minus probamus: neque tamen ad viuum  
unguem resecamus singula. Ecquæ vero intemperi-  
es agitant mortales, ut tum sua inter se vilia obser-

D 3

uent

uent  $\mathcal{E}$ xagitent, tum probabili etiam ratione  $\mathcal{E}$  bono animo facta malitiosè calumnientur: cum nemō sine labore natus sit,  $\mathcal{E}$  quadam sint omnibus communes, quadam in singulis. Atq; ita comparatum est, ut maculosissimus quisq;, non iam sui similes, sed probos  $\mathcal{E}$  innocentes petat maledictis: atq; adeo ne quidem sanctissimis parcunt. Sed iam te audiemus, Elmana, de laudibus herois IVLII: ego dixi de rege FRIDERICO. ex iis, qua memineram, pauca: quadam olim in funere explicata sunt ab eloquentibus uberius: quibus cum nostra non dissentiant: forte ex hisce, quorum mihi ipsa conscientia estis, cognoscet alij, qua prius non acceperint, aut si cognita habuerint, recognoscet libenter, non ob orationem meam, (mali enim propriè loqui, quam splendide) sed quia virtutis recordatio quemq; non pessimū iucundè affici.

Hic igitur cum appareret orationi finem impositum: Amamus te, ô nostra soror, inquit Rhoduntia:  $\mathcal{E}$  ha, viden, ut elata letitia gestiant: Et conuersa ad alteram: Altera, inquit, tua partes sunt, Elmana. Ibi Elmana: Nec vero tua nulla erunt deinceps. Nūc tibi parebo, ut inter nos conuenit initio: et si illam totos dies audire malim, vel te, Rhoduntia, ordensem, quod tibi cūq; videretur. Erit autem mihi facilis, quo-

us, quoniam, ut augurabar, me mirificè eruditus soror,  
quasiq; dicendi leges tulit, à quib. non longè digredi-  
ar: eritq; mihi eius exemplum regula. Bellè nobis re-  
gis tui præstantiam pinxit humanitatis nomine. Ut  
enim à corporis insigni nota scimus hominum alios  
Crassos, alios Longos appellatos: ita de partium sue  
dotium animi præcipua ut quis appelletur, nihil ve-  
rat, qui aliis etiam virtutibus sit ornatus, ut illi nihil  
quoq; de membris desiderabant. Sic Aibenienses A-  
ristidem Iustum, Romani Catonem Sapientem no-  
minabant. Non tanta vis est in appellatione diuitie,  
aut oratoris, aut poëta: etiam si aliquo horum nomi-  
num certus aliquis indicetur: nec tamen inficer, su-  
am poëta laudem, oratori suam rectè tribui: nec cen-  
seam opes abiiciendas, quibus tibi, tuis, amicis, pa-  
tria uti possis. Suspecti etiam mihi sunt Magni, Ma-  
ximi, Clariſſimi, à rebus gestis ita dicti: recte &  
laudabiliter, si illa virtute & prudentia sint admini-  
strata: et si neutrā ab altera separo, sed unam alte-  
ra comprehendēti, vel unam esse in altera censeo. Phy-  
scones autem & Auletas derideo. Quid enim regium  
in abdomen? quid in tibiis? Hieracas, Poliorcetas,  
& Ceraunos abominor. Non sint reges accipitres,  
nec euersores urbium, nec fulminatores. Quid inter  
volu-

volucres accipitre rapacius? quid fulmine terribilis?  
Euersio autem urbium, qua est deletio rerum publicarum, hominum, tanquam pecudum, trucidatio,  
Et superstitum felicitatis abolitio: hac sunt Echett,  
Busiridis, Phalaridis, Dionysii, Neronis, Moschi,  
Et Turca: non regis, non hominis. Minerua poëtis  
est Poliuchos, Latinis dicta custos urbium: Iuppiter itidem Poliuchos Et Polieus, custos Et conservator urbium, Et ciuitatum, Et humani generis Et felicitatis hominum. Hic est pater omnium, Et universorum Euergetes: huius, qui Et primus imperia saluti mortalium condidit, exemplum sequi, Et mandatis dicto audientes esse reges oportet, Et hoc unum agere, luxu, potentia, vita deniq; posthabita, ut sint patres patriæ, Et non tam nomine, quo tamen nihil suauius, ipsumq; adeo, quod non sine causa tanti tibi est, humanitatis, quam re ipsa semper Euergetæ. Atque hac bene de populis siue de universo genere mortalium benè merendi ratio, multiplex est: Et meritis merita comitantur, neq; posse videntur à se mutuo diuelli. Cura enim regia siue paterna (regis enim Et patris eadem vel similis, nisi regis etiam superior et maior) tanta est, ut si in unam rem vel singulariter intenta sit, esse videatur, minime tamen omittat ex necessariis

sariis vel minimam. Sic studuit rex FRIDERICVS  
humanitati, ut eam eximiam sibi parauerit et huma-  
nitatis tandem plenissimam adeptus sit, obsignatam  
præconio tuo siue veritatis: sed idem regiarum vir-  
tutum nullam prætermisit: immo omnes vel humani-  
tati seruire optabilem seruitutem coëgit, vel humani-  
tate complexus fuit. Sic enim ex iis colligo, que à so-  
rore nostra dicta sunt. Dabo, & sic res est, huma-  
nissimum fuisse heroa istum tuum: nec tu i c circo me-  
um ab humanitate excluseris: à quo qui absit, ille  
iam hominis nihil habeat, (vtar enim & ipsa verbis  
Limenidos) nedum principis. Conseruauit autem  
in primis pacem: ac studia pacis in rege aliquo vix  
exstiterint hoc saculo, quanta in heroë IVLIO, ut qui  
pacificum dixerit, suum ei nomen attribuerit, non  
minus quam poëtarum princeps herorum cui libet su-  
um. Non enim magis Vlysses oppidorum expugna-  
tor, Nestor equum dominator, pedibus velox Achilles,  
rex regum Agamemnon fuit, quam pacis assertor  
IVLIVS. Hic igitur, vtile, mea Limeni, modo per  
latissimos humanitatis campos cursum facere audi-  
uimus, ita mihi modo non minus licebit per amœnos  
siue aureos pacis hortos in ambulare. Primum, que  
de Marie tatem dicuntur: his contraria nonne

E

otij

otii custodi conuenient? Ad Mariem autem hæc sunt:

Ἄρες, ἄρες, Βροτολογία, μισθόνε, τειχεστωλή.

Pestis hominum est, sanguinis effusor, concussor mœnium. Nihil non importat mali: in urbibus efficit solitudinem, respellas delet funditus. Qui insano illi Marti insanam seruitutem seruit, nihil est melior. Itaq; hunc execratur bellicosissimus etiam ipse, sed alterius Martis cultor, heroum flos summus, Achilles.

Αφείτωρ, inquit, ἀθέμιτος, αἰσχύλος εἰν τὸν πολέμοντα πολέμησε, ὅκρυόντος.

qua oratori Romano interpretari visum fuit. Hic igitur ita, & magnificè: Nec priuatos focos, inquit, nec publicas leges videtur, nec libertatis iura cara habere, quem discordia, quem cades ciuum, quem ciuale bellum delectat: eumq; è numero hominum ejiciendum, ex finib. humanae naturæ exterminandum, puto. Vterq; diuinitus. Pedem enim profecto, si in nostra manu sit, ei in orbe non demus, qui ordines in ciuitate perturbet, qui bonas leges è medio auferat, qui suam ciuiumq; rem familiarem eueriat. Fundamentum enim coniunctionis hominum concutunt, vincula incidunt, animam enecant. Familiae enim fundamentum, ordines articuli & nerui sunt, leges

leges anima & vita cimitatis. Inhumanum igitur  
bellum & tamquam & exsecrabile: contrà nihil pace  
optabilius. Etenim sublata pace vel leuiter debilita-  
ta, quid manet inter homines integrum? Percunt o-  
mnia seu vilescant, quibus alimur, quibus vestimur:  
ipsa tecta, sub quibus habitamus: leges periclitantur,  
virtutis studium friget, è medio sapientia pellitur:  
plorant mulieres, queruntur liberi, dolent mariti:  
nomen etiam periit quietis & suavitatis: nec recupe-  
randi boni spes, nisi in altero Marte, illius aduersa-  
rio. Igitur

— Pax optima rerum

Quas homini nouisse datum est, pax una triumphis  
Innumeris melior.

Videte, an huius instaurator maior haberi debeat,  
quam conseruator? Illic erat interrupta, hic continu-  
atur ciuium felicitas. Amissam reddere, vel pericli-  
tantem restituere herois est: nec minus herois dispice-  
re & cauere, ne quam labefactetur. Hoc fit vel con-  
ciliandis iis, qui inferre bellum possint, vel deterren-  
dis hostibus. Dux vero IVLIVS & ex vicinis, &  
& longinquis irritauit neminem, omnes benevolentia  
prosequitus semper fuit, & ita domi omnia admini-  
strauit, ut nec inopia in arario, & copia per regio-  
nem esset virorum fortium, & arces, turbesq; muni-

E 2

ta, nec

ta, nec desideraretur in menses annosq; commeatus: deniq; prudenti principi praesto semper fuerunt lectissimi duces militiae, qui Martis etiam arcana nosserent. Quare neq; quisquam inferendi belli caussæ aliquid habuit, cum omnibus etiam occasionem præciderit: Et si quis animo fuisse turbulentio et inimico, quamuis ipse etiam potens, illum quidem frangerent Et deterrerent, qua recensui. Igitur de die in diem se magis confirmauit, Et illo diuino otio pacis studia Et ipse coluit, Et à suis coli gauisus fuit. Summa enim optimæ rei omnibus occasio, Et exemplum principis ante oculos. Etenim auspiciis ducis IVLII unusquisq; tuebatur suum ordinem: erant manentq; hodie collegia pontificum: florebat equester ordo: abundabant ciues in oppidis: in vicis Et villis agricultores fruebantur otio. Hac conseruatio felicitatis ordinum, est pacis propria est, cui minus esse regia humanitatis videatur? Ad eandem hanc pertinet, quod pacis quoq; studio viget maxime, rei familiaris tuerenda augendaq; ratio, aliaq; priores œconomie partes. Sed harum omnium explicationem non meditor. Ipsam patris familiæ vitam ante omnia spectabimus, quod ex hac dependent mores omnium in aliis. Loquar igitur de duce IVLIO, ut de priuato,

qui la-

qui tamen uniuersæ suæ reip. personam sustinebat:  
quod hinc, ut soror quoq; nostra asserebat, maximè  
videtur, cuiusmodi quisq; sit. Mirum relatu est, ut  
ille temperanter vixerit, ut moderatus fuerit corpo-  
ris voluptatibus. Quis ex eius ore verbum audiit,  
quod vel tenerimas aures impuritate offendere?  
Vt illa de rege suo verè dixit, hic etiam HEDVIGIN  
Marchicam unicè habuit carissimam: E hac re  
non minorem ipse laudem, quam regem audiuimus,  
sibi peperit. Alimenti autem utriusq; sapè ming etiam  
sumpsit, quam natura requireret, cum interea gra-  
ues quotidiè labores subiret, nec raro totas noctes per-  
uigilaret: sapè quoq; sibi ieunium imperabat: atque  
ita sobrius semper erat, ut si hac in parte censuram  
per Germaniam ageret, luxum valde minuisset, ebri-  
etatem exilio multasset in perpetuum. Exemplo ta-  
men E seueritate ex aula ipsam extierminauit. Vi-  
deres igitur omnes sobrios, aut vinolentos sese in cry-  
ptas abdere. Merito enim conspectum heri fugie-  
bant, quem irritare graue erat, placare haud facile.  
Nihil enim eo seuerius: durus videbatur interdum:  
E hoc humanum habebat, idq; ab ulima radice  
gentis sua regia. Hauserat hoc de Mauortiis maiorū  
animis à prima origine: nec se ignorabat, quam fa-  
cile,

cile, et quam grauiter adficeretur. Est animus, quod  
sapientes Graci nominant, in omnibus, sed in  
regibus maxime: ut in summis quoq; naturis est a-  
crior cupiditas, qua & libido dicitur. Hac coercen-  
da, illa in gyrum rationis agenda est. Tertia enim,  
hac est, sed dignitate prima, quam diuini spiritus tra-  
ducem agnoscimus: qua potissimum sunt homines,  
& ad calites accedunt proxime. Iure habet ratio  
imperium in ceteras: ut raro efficiatur, ut alter & non  
seruire nolint, pauci mortalium intelligunt. At vero  
in quam paucissimis ratio suum decus tuetur? Cum  
sese nosset dux IVLIVS. & huic sapientia non leuem  
umbram mente cerneret, sape se retexuit ipse, &  
ingenitum suum animum, a suis modo statim, aliquando  
lentius, flecti passus fuit. Intelligo senatores cum au-  
toritate & sapientia, qui duci familiares & dilecti,  
quo loco, & tempore, quaq; orationis figura quid ex-  
plicandum, viderent. Nec raro dixit, hac parte se  
fuisse infeliciorem, cui in prima educatione non o-  
mnia obtigissent. Illud enim verum, a prima infan-  
tia animos flecti, nec nisi maxima cura etiam heroi-  
cas naturas subiici imperio rationis: idq; recte non  
nisi ab aliquo Chirone fieri: & esse adminiculo litteras:  
& studiis sapientia deinceps gubernari vitam,  
ut nul-

ut nullus dies accurata auditione, aut lectione, aut  
meditatione prorsus vacuus abire debeat: si quis in  
moribus & vita & in consiliis sibi constare, & cur-  
rere rectarationis spacium constanter velit: quod est  
viriboni & principis boni unicum atq; semper ar-  
duum munus. Itaq; quod summum beneficium in fi-  
lios conferre potuit, id contulit statim. Educari,  
(quod verbum, ut multa? & vix volumine expli-  
canda comprehendit.) & bonis litteris erudiri fideli-  
ter iussit: nec unum diem hoc studium intermitte  
volut, quamdiu vixit. Et cura vero hac, & felicitate  
educationis superasse mihi videtur omnes principes.  
*Argumento est dux HENRICVS IVLIVS.*

θεμιστῶν ὁ ἀμφέπι  
σκάπτον τὸ πολυόλεω  
ουξοία· δρέπων μδρ  
κορυφαῖς αἱρετῶν τὸ παταῖ.  
ἀγλαΐζεται δὲ καὶ  
ματικῆς τὸ ἀώτω.

Qui legitimū scepirum tenet  
in felice Saxonia: carpens de sin-  
gulis virtutibus apices: idemq; et  
iam in flore musica resulget.

Nam quod Thebanus de Hierone cecinit, non mi-  
nus in hunc conuenit: qua mihi de eo visum fuit di-  
cere, quo essem breuior. Argumento est quoque fi-  
liorum ducis IVLII fraterna conspiratio: qua non  
cadat, nisi in benē educatos & bonos: quod fateri ne-  
cessē est, qui impotentiam dominatus inter mortales  
intelligunt. Perpetuum illud sit quatuor germanis  
bonum:

bonum: Ego erit, quoad litteras in precio habebunt.  
Litterae enim eos et sapientes, errare non sinent erro-  
rem, ipsis inter se et patria grauem vel exitiosum.  
Ni longum foret, de reliqua familia omnium ordi-  
num singulatim dicam. Omnes ita amavit, ita or-  
nauit dux IVLIVS, ut humillimos non prateriret, se-  
natum et equestrem ordinem, primo loco haberet,  
medios medio: nec querela officio fungentium au-  
direnatur. Quod ad suppellestilis custodiam et am-  
plificationem rei familiaris, alia ratio est priuato-  
rum: aliter res suas reges et principes administrant.  
Gerunt enim per alios pleraque, quorum fidem perspe-  
xissent. Fecit hoc dux IVLIVS in tot praefecturis: sed  
ipse tamen, quid quisque qua fide singula ageret, ani-  
mum aduertere, et secum, quoties publica negotia  
permittebant, rationes accurate pusilare: quid cui qua-  
re acceptum expensumque ferretur, cognoscere, nec a-  
liquod seduli patris familias munus negligere: ita de-  
niq; sese gerere, ut parcus pater familias, qui esset ta-  
men etiam princeps munificus, et re postulante, ma-  
gnificentia par regibus. Cum argenii, variorumque  
metallorum copiam fodinae ministrarent, non con-  
tempsit hanc natura beneficentiam, sed inuestigauit  
metalliferorum montium, venas diligenter et  
profun-

profundius. Quidquid horum fecit, rege dignum  
fecit: tum ut promptius benefaceret, tum ut pro rep.  
semper in arario satis esset, tum ne opus esset, maiora  
vectigalia extorquere, aut nouos census ciuibus im-  
ponere. Mirum, talium inuentionum expilationes  
passim pro inuentis sapientia haberi, quæ principum  
dignitatem infamant, & populis exitio sunt: & ad  
motus intestinos calamitatesq; tragicas viam ster-  
nunt. Atqui dolus & vis cum prudentia & iustitia  
nihil commune habent. Videlis, ut dux *IVLIVS* in  
re familiari se gesserit, ut priuato cuiq; suis fundi, vil-  
la, horti, sylva, lacus, domus, suppellex, pecunia &  
quidquid diuitiarum nomine censemur, omnia illa  
manerent integra, & ijs iuto fruerentur demini, at-  
que in otio cum facile custodirent, tum labore medio-  
cri augerent. Si quid esset controvërsia non solum in-  
ter ciues, terminari voluit legibus: sed etiam si ali-  
qua de re, ut sit in amplis prouinciis, nata lis fuisset,  
non potentia usus fuit, sed ius suum & ipse accepit ab  
iustitia. Præter autem leges, quibus reliquia imperij  
Romani spiritum, fortassis agrè, trahunt, non abole-  
uit leges vel consuetudines alias, vel nouas etiam san-  
xit accommodatas suis populis. His stare iubebat o-  
mnes: qui aduersus eas committerent, non impune  
F                          habu-

habuerunt, ut omnia ordine, neq; quid absq; ratione  
fieret. Ac ne minimum in his turbaretur, nullum sine  
magistratu, sine iudice, locum esse passus fuit. Deniq;  
Themisteon ad arcem suam condidit; in quo iudi-  
cum senatus ius diceret, non minus religiose, quam  
in Areopago viri omni vita inq; omnibus vita parti-  
bus spectansimi. Prasidebat ipse sapius, vel praside-  
re iubebat lectissimum ex proceribus: denique prasi-  
dem inaugurabat filium HENRICVM IVLIVM: oñ-  
iecto in regno dñe ei episcopate xere, tum ad iudicandum tum ad gu-  
bernandum: idq; solemni ritu, in primatum confessu,  
cum oratione, plena paterni affectus, plena cura de  
republica: iustitia omnem salutem & imperii digni-  
tatem firmitatemq; contineri. Ita boni viuebant sine  
iniuria: coercebantur improbi: qui ne sanari quidem  
possent; vel solum vertere, vel hoc iubebat, quod de  
membro incurabili dicitur, à quo metus etiam reli-  
quo corpori. Caterum, quia educatio pro legibus est:  
prima enim eius vis, vel quia quasi mater obedi-  
entia: & quia illa ipsa mirificè adiuuatur litteris: ic-  
circo nec oppidum, nec pagum, nec villam, nec an-  
gulum in suis prouinciis reliquit, quem litteris non  
consereret. Sed maius etiam negotium instituit: quem-  
admodum ex illo cœlesti satu messem faceret ubero-  
rem.

rem. Igitur ad riuum, cui Ganna nomen, primas  
Academie lineaas duxit, ut adolescentuli singulariter  
informarentur. Id cum ex re esset, sed tamen opus  
imperfectum videretur; nouum & diuinum consili-  
um capit. Teneros enim surculos è Gandesinis hor-  
is in valles Helmianas transtulit, ut idoneo solo in  
iustum arborum proceritatem surgerent, fructusq; i-  
psa ferrent reip. speratos multiplices. Eo loco porti-  
cus disputantium condidit, plures litterarum magi-  
stros acciuit, doctoribus bonas mercedes decreuit,  
pramia addidit, iuuentam ad studia optimarum di-  
sciplinarum blandè inuitauit, alios sibi alumnos dele-  
git, alijs tenuioribus, partim suis, partim hospitibus,  
opem tulit: ut verbo dicam, uniuersitatem litterari-  
am nouam omnibus rebus fundauit: nec vigilis par-  
cens, nec opera, nec sumptibus: nec id in principio,  
quò feruere res dicuntur maximè, sed ad extremum  
vita spiritum. Illi Academia me præsidere iussit: à  
vicino luco Elmana sum: ut tu ab hocce portu Li-  
menis, à roseto ad Varnum Rhoduntia: sed ille me,  
qua cœlestium virginum chariorem haberet nem-  
inem, de sece appellauit Iuliam, & ab omnibus hoc  
nomine dici coliq; maluit. Quare & nomine Iulia  
triumpho, tum quia mihi hoc nihil honorificentius,

F 2

tum vt

tum ut grata erga summe meritam videar apud omnes. Dum enim ipsa ero, quod semper futurum est, & in fanis ad Elmadas sylvas, non longe à Bructero, propè fontes Alaris, colars IVLIA appellata, ducis IVLII memoriam religiosè & nullo prorsus negotio tuebor. Fauebant initio omnes mihi: ante omnes, auctore duce IVLIO, humanissimus imperator MAXIMILIANVS II. Primis enim beneficiis me ornauit, qua à tanta maiestate nostrum aliqua exspectaret. Fauebant ordines Brunsuigij: per liberaliter enim se aduersus me gesserunt, ut simile exemplum ex historia non meminerimus. Fauetis vos etiam, quoq; per orbem sorores sunt, remotissima ab inuidia: nec quidquam rectius, quam vt simus nobis inter nos benevolentissima, & mutuis studiis officiisq; certemus: nec in ipsa victoria, vel ego vobis, vel vos mihi inuideatis. Ut vellet mihi, re Rhodium ostendit aliquoties. Etenim de mystis suis mihi misit unum atq; alterum: atq; à bruma superiore tuo concessu Aisocles venit. Nomen enim hoc Lycophrona ab arte proloquar, in quo huic contioni non item, vt aliis, tenebra. Officium ille, vt spero, apud me quoq; faciet, & benè merebitur de iuuentute nostra non minus, quam tot annis hactenus, rebus relictis, de

Mega-

Megapolitana, vel in uniuersum de iis, qui veneratum Rhoduntiam è vicinia & è longinquis etiam terris aducnissent. Quo nomine cum passim charus sit, se mihi meisq; & patriæ & principi patriæ charum esse sentiet, adeoq; ex re ipsa sensit adueniens. Verum de meis ipsa non minus modestè dicam, quām de suis sibi dicendum putauit Limenis. Sed omnia hodie feruent in templis meis, & in hortis florent, ut quām maximè. Nec pauca tamen, ut sit in his infinitis uniuersi partibus, desiderantur, que qui foris sunt, fortè magis vident, quām qui domi. Hoc enim etiam est curiositatis mortalium, prospicere magis in aliena, quām introspicere in sua, & sua, sape non ita bona, amare, aliena, satis etiam bona, pro nihilo ducere. At ego quāsim, nisi quā opus sint, quoq; desiderentur, intelligam? Nec antistitiat delatus honor, nec munus mihi demandatum sit, & indignè Iulia vocer. Sed de singulis, quae ad tanti operis perfectionem pertinent, nos etiam aliquando inter nos. Gratificabimini enim mihi, quas cupidè equidem audiam, quum idem utriq; videbitur. Nam diuas quoq; sibi inter se adiumento esse, existimandum est: ni sit, neq; luna à sole lucem, prout eius aliquid aut copiam operat, mutaretur: & hic illi petenti siue adeungi illu-

F 3 strio-

strios radios non negat. Temperabo mibi, ut de  
negotio meo, de qua dies noctesq; sollicita sum, nihil  
addam amplius. Ut totus in oīi studiis fuerit dux  
**IULIVS** & Pacifici nomen sempiternum sibi inuen-  
erit, commemoratum à me satis existimo: atq; ita i-  
psa etiam, non omnem dicendi materiam persequuta  
sum: dixi, quæ dicere in animo habebam, siquidem  
audire me voluistis, pènè omnia. Ex iis apparet,  
tum quām plarisq; & superiorum & huius facili re-  
gibus dux **IULIVS** præstiterit, et si contentionem non  
facio, quòd inuidiosum putatur: tum quām maiores  
vsq; ab **HENRICO LEONE** ad unum omnes tribus  
rebus vicerit, ut de rebus secundis non dicam, quas  
**Dei** beneficio præter omnem spem adeptus fuit. **Qui**  
enim tertius filius in imperio patris successionem ex-  
asse non sperabat: et si successit, cum patre pènè inspe-  
ctante duo maiores natu filii in acie aduersus hostem  
fortiter pugnantes in ipsa victoria occubuerint: de  
accessione noui imperii suspicari non potuerat. Vicit  
autem, & quidem hac in potestate erant ducis **IULII**.  
nec nisi ab ipsis heroica virtute profecta existimari  
possunt: vicit, inquam, pacis custodia, filiorum edu-  
catione, & Academiæ fundatione. Qua singula tan-  
ta sunt, ut ex eorum unoquoq; gloriam sempiternam  
sibi pa-

sibi parauerit. Neq; diuina ista merita silentio obruerat.  
Gaudeo etiam, huius mei grati in ipsum fuisse  
dii amulos me videre passim multos, qui cum virtute  
heroica decus praeclarè intelligant, eadem calamo  
diuinitus illustrent. Gaudabo quoq; me ab aliis in hoc  
superari: ut quae neq; cui præstantiam, neque virtutem  
præmium inuidem. Ne quid autem desideretis, vnuum,  
quod præterire falsum sit, consilio me in hancce  
clausulam referre credite: quodq; ille in ultimo vita  
actu declarauit maximè, quanta pietate Deum ve-  
neraretur, cui vixisset in hisce terris, cui animam  
redderet, cum certa eiusdem recuperandi spe in cœle-  
sti patria. Et vero pietatem in omnib. vita partibus  
probauerat. Quid egit, nisi implorata precibus &  
suspiriis ope diuina? ut detestatus fuit turbulentos in  
Ecclesia docentium contentiones? quod quantumq;  
posuit in sarcienda concordia studium? quos in hac  
re sumptus fecit? Atq; curam hanc ei cum aliis com-  
munem fuisse fateor, quibus laudis etiam tantumdem  
debeatur. Decet hac sancta cura reges: nec est tamen  
prudentia mortalium: rex uniuersitatis hoc negoti-  
um semper direxit, & dirigit deinceps iis modis, ad  
quos mortalitas obstupescat. Mihi vero si libeat hic  
esse longiori, non licet: nec est res huius loci, cui à me  
satisfac-

satisfactum arbitror. Nec tamen hoc ambitiosè dictum existimes, Rhoduntia. Rei enim non satis feci: tibi, quæ me dicere iusseris, satisfactum putabis, ut benevolentia mutua dignum est. Quod si me luculentiora flagitas: ne negare videar, quod tibi de ingenio meo persuaseris, in alium locum & in commodius tempus te reiiciam. Nihil est, inquit Rhoduntia, quod hoc labores: nouimus nos: quin rei satisfactum puto, non solum mihi, quando amba dixistis, quod res esset. Nec tibi enim, nec illi verbum excidit, à re discrepans. Laudem veritatis etiam homines vobis tribuent: et si inter eos inuidia & reprehensio: sat scio, nec boni inuidebunt, nec mali habebunt, quod carpant, et si in hoc toti, sed frustra tamen sint. Neq; non unius sanum iudicium nullum calunnia anteponimus: quæ ut cœlo, si terris semper exulet.

Recte ait, inquit Elmana: sed quando ordo ad te pertinet, te quoq; audiat hic sacer cœtus virginum.

Ac statim Limenis: Nec aliud mihi videtur idq; te & huius & meo nomine rogatam volo: ac ne dubites, quid à te dici velimus: quod scilicet ad te pertinere intelligis: est sponsa auia, iam apud cœlites degens, ELISABETHA Cimbrica: est annus sponsæ, heros VLRICVS, in cuius in comitatu eum locum tenes,

nes, quem ego apud sponsa fratrem, regem CHRISTI  
ANVM, hac soror nostra apud sponsum ducem HEN-  
RICVM IVLIVM: locum aio, in vulgus obscurum,  
sed pœnitendum nostrum nemini. Quid autem re-  
fert, cum illo nihil obscurius? Ibi tum arridens  
Rhoduntia: Non ita, inquit, conuenerat, nec erat  
hoc propositum initio. Faciam tamen, quod cogitis  
rogando: Et faciam promptius, quod a via his festis  
diebus suas quoq; deberi laudes, Et ipsa sentiam:  
Sancta fuit heroina Et in regia magnificentia mode-  
sta: omni decore matronali ornata praeplerisq; regi-  
nis. Cum esset specie pulcherrima, studuit, ut forma  
præstaret animus. Sed cum species annis flaccesceret,  
ut in mortali: animus tempore euasit pulchrior Et  
perfectior. Itaq; ut in pulchritudinem vultu oculi o-  
mniū olim connecti fuerant: ita animi intelligentium  
ab altera, neq; fluxa animi ipsi⁹ pulchritudine, aciem  
nūquā auerterunt. Fastū in aliis ferre non poterat,  
nec delicatum otium: luxum vero, in quo profusio et  
voluptatum corporis studium, detestabatur in omni-  
bus. Fecerat equidem gynaconitam suam ELISABE-  
THA sanctimonie Et pudicitia templum, silentii Et  
laboris officinam. Vbi enim lingua intemperantia Et  
otii licentia esset, ibi fieri non posse iudicabat, ut ani-  
mus ad

G

mus ad

mus ad pietatem & decus aspiraret: & hoc multo  
minus in deliciis & luxu regio. Videres heroina vir-  
gines, habitu mundo & simplici, assidere domina ad  
telam & colum: surgere cum ipsa nuberet: loqui cum  
ipsa quereret: in eius etiam nutus singulos intentas,  
non ut heræ, sed diu&a alicuius, quam omni reuerentia  
colerent. Nam, quas, ut vulgus & in licentia edu-  
cata, dicerent duriter haberi, eas magna animi bene-  
volentia prosequebatur, deq; iis ornandis diligenter  
cogitabat: dilectissima cuiq;, hoc est, modestissima et  
diligentissima, cum primis de luculentis nuptiis pro-  
spiciens, eidemq; dotem vel augens, vel, si tenuior es-  
set, largiens. Habant eandem quoq; magistrum tu-  
enda rei familiaris. Non id multa ex fortunatorib;  
faciunt, quarum conditio inferior multò est, vel et-  
iam humilis, quod regina non neglexit. Nihil erat  
in arce & aliis per prouinciam palatiis, quin memo-  
riā teneret: ne quid periret, ac ne quid desideraret.  
Quapropter in officio quoq; magis fuit passim fami-  
lia: qui omnium rationem, ubi domina videretur,  
essenti reddituri. Nec se indignum existimauit, rem  
rusticam videre: prima etiam matre familiæ dignū  
negotium: ut se habcant in fundis segetes, ut in hortis  
herba & arbores, ut in stabulis sine pascuis armenta

& pe-

¶ pecudes, quid sub dio vel in edibus agant serui,  
quid ancilla. Frons certè occipitio prior esse dicitur:  
præsentia domini dominaq; vel horum præsentia præ-  
sensio acuit & villicos, & villicas & ceteram fami-  
liam. Sed hac quis diligentia colligendi & tuendi ex-  
istimet, & haud esse tanta principis, à qua videlicet  
quisq; beneficium speret. Iniuria & expilations in-  
digna sunt regibus: iisdem si digna liberalitas, digna  
itidem parsimonia, utraq; suo loco. Quod enim quis  
habet, quod conseruat, quod inuenit, de hoc largiri  
rectè potest. Nec vero suas virgines solum ornauit:  
nec aliis negabat, quas pudicas, probas, laboriosas  
audiret. Benè item fecit litteris, litterarumq; præci-  
piùe sacrarum cultoribus, quos vitæ tamen puritas &  
sanctimonia commendaret. Etiam sacris virginibus  
munifice & sollicitè prospexit, cuius bonitatis illustre  
exemplum edidit in Rhuna, in ripa Varni supra Bu-  
cephaleam. Itidem passim probis miseris prospexit,  
qui morbis, laboribus vel etate fracti essent, ut ma-  
nu victum parare non possent. Hoc non est miseri-  
cordis animi solum & benigni, sed prudentia etiam,  
plus quam muliebris, quam tamen de heroina inge-  
niorum existimator sibi pollicetur. Prospexit igi-  
tur etiam posteritati in aliis largius. Namq; & tem-  
pla &

pla & arces condidit & ornauit: nec de hortis dicam, quorum fructibus & amoenitate ipsa quoque fruebatur: totas sylvas idoneo loco conseruit, partim ad passionem, parium ut ligna foco suppeditarent, & mali nauigiis. Nec minus singulari coniugis prudensia, qua curiositatis nihil haberet, quam ceteris virtutib. delectatus fuit dux VLRICVS. Ut autem maritum, ut generum obseruarit, ut filiam reginam, ut liberos regios, nepotes neptesq; amauerit, quid attinet praedicare? Huius enim benevolentia cursum non inhibuit. Ad extremum enim iterum traecto mari cum marito, generum, filiam, nepotes neptesq; visum venerant: atq; ipsa, dum hoc insigni pietatis munere perfungitur, (nam & fama tum innotuit, eam cum genero & filia graues sermones instituisse, quas si opus esset, Limenis exponeret: in argumentis vel primum fuisse suspicor educationem regiorum liberum) & in Falstria portum Germaniae proximum a suis summo studio deducta, febri corripitur. Ibi abiecit omnium rerum caducarum cogitationem, quas tamen etiam ante pluris haud fecerat, quam cui, per sapientiam & pietatem in Deum, liceat: eo loco non ipsa quidem vivere, sed inter mortales vivere desuit: & fato functa, hoc quoq; fatum heroi-

CUNO

cum nacta est. Non enim ELISABETHAE Cimbricæ memoriam, quod in nobis est, unquam sinemus intermori. Et huic sacro audientium gregi, inquit Limenis, & rei abs te soror, ex una parte satis esse factum puto: non flagitamus aliud, sed & alterum exspectamus. Alterum, inquit Rhoduntia, si queam, declinare malim: sed de auctoritate vestra faciam, quod cupidè nihilominus faciam. Aueo enim, ut debeo eum ornare, per quem ipsa sum ornatior. Annis abhinc quinquaginta in quo squalore iacuerim, tu vicina soror, vidisti: tu, auditione accepisti, Iulia: et si aliorum & reip. calamitas erat illa magis, quam mea. Vita enim nobis ipsa sumus, & male nostrum nemini esse potest, qua cum cœliib. auum degimus. Sed tum me visam, squalidam respxexit prior ELISABETHAE Cimbricæ maritus, sapiens princeps, MAGNVS: sed magis deinceps huius fratres patruelles, ipsi fratres germani IOAN. ALBERTVS, & VLRICVS, duces Megapoleos. Erat ille supramodum beneficus: & præclaris suis meritis inuenit gratum aliquem, immemores beneficiorum plures. Me vero gratissimam erga utrumq; nostis, utriusq; merito. Vtriusq; enim par in me benevolentia & beneficentia: quarum alteram si nominem, ambas intelligatis. Etenim qui

G 3

ex po-

ex potentibus benè vult, idem facit: qui benè facit, idem bonis non benè faceret, nisi benè vellet. Deinde etiam uni me perinde, ut alteri profiteor: Et maiori id ostendi, Et testatum faciam eius item filio, paterna dignitatis Et virtutis heredi, duci I O A N N I. Dux enim V L R I C V S cum hoc fratris filio mei meorumq; id est gregis musici ad V arnum rationem habet: parterneq; adeò omnibus nostris commodis prospiciunt. Libet autem mihi, ducem V L R I C V M. Et licet, Et debo prædicare, potissimum nomine iustitiae. Huic enim, non minus vel magis etiam iusti nomen conuenit, quam ciui Attico, cuius mentionem fecit paulo ante soror. Hic enim gesuit, geretq; semper personam publicam, semper pro suis populis excubabit, ut salvi sint. Ille contra, priuatq; ferè semper fuit publicū munus gesuit in patria, cum populo videretur: nisi quis aiat, quod facile dem, in tantis meritis nouam videri conditionem priuati. Etenim vir bonus, publicè bonus est, tam patriæ, quam ciuibus. Nec tamen latet, ubi discriminē bareat. Vterq; enim ut iustus sit, ad iustitiam quidem vterq; exemplo inuitare potest: in principiis potestate est, qui in deuia deflexerint, intra iustitiae limites cogere. Iusti autem appellatione intelligite, ut de Amphiaraō, de Aristide, de Catone

acce-

acceptum fuit, quorum nemo videri, sed unusquisq;  
eorum iustus esse voluit, ut de vate illo prædicauit  
Aeschylus, de cive suo Atheniensis, de Romano po-  
pulus Rom. itidem censuit. Qui vero iustus: idem  
moderatus, continens, temperans: idem fortis &  
prudens. Iustitia enim fasciculus habetur virtutum  
omnium, aut si hoc, et si verè, tamen tenuiter dictum  
videatur, audite perulgatam, sed veterem & insi-  
gnem laudationem iustitiae: qua ita latè patere pre-  
dicatur, ut in se virtutes ad unam complectatur o-  
mnes. Est plane cum primis absolute virtus, quoni-  
am virtutis usus: perfecta autem, quando ea prædi-  
tus, non solum virtutem apud se colit, sed ea etiam  
aduersum alios vitetur, ut ille primus in ambulacro  
sapientia scriptum reliquit. Atq; idem acceptum à  
sanctiore etiam saculo: nec vesperum, nec luciferum  
què esse admirabilem. An eandem solem vita lice-  
at dicere? Fons vita Sol perhibetur, at iustitia fons  
est salutis reipublica. Nec potest vero magis regnum,  
& magis diuinum, quam iusti nomen dari. quod  
vobis mecum considerare libeat. Reges esse Deo quam  
simillimos optamus, & ipsimet Deo esse quam simili-  
limi siue esse siue haberet expetunt. In Deo haec insunt:  
immortalitas, potentia, virtus. Ut autem ridiculi  
exti-

exstiterunt, qui se iussurunt pro diis coli & adorari?  
Vnde cum se in deos referri ab Atheniensib. flagita-  
ret Demetrius, Athenienses metu tyranni potentiae,  
facto huiuscemodi plebiscito, eluserunt eius insanam  
cupiditatem: Demetrius, siquidem vult esse Deus,  
esto Deus. Quod qui hac ratione ex regibus & ty-  
rannis affectarunt, se turpius dederunt, quam vel  
Phaëthonem vel Icarum fecisse, poëta fabulantur.  
Potentia, qua ex fulmine, terra motu, turbinum im-  
petu, eruptione fluminum ipsiusq; maris appareat;  
quid nisi terrori est? Homines autem quo terribilio-  
res, hoc in maiore odio sunt hominum, & ubiq; in  
perpetuum execrables. Tertia in Deo est iustitia,  
sine virtus: cuius boni ex diuinis, particeps homo re-  
ctissime, ut homo, fieri potest, & huic quisq;, & ma-  
ximus maximè studeat. Supra hoc iusti nomen alti-  
us ex monarchis potentissimus nemo sibi pepererit.  
Quod ego ducem VLRICVM Iustum nomino, placere  
studeo nemini, adeoq; assentationis declinatio me hic  
breuiorem facit: qua tanti criminis etiam suspicio-  
nem à me remoueam: et si hoc suspicari de nostrum,  
aliqua nemo debeat, qui cogitet de ingeniis mortali-  
um. Verum dux meus, iustus ille iustitia præses, ex-  
terminat huius aduersariam, cum omnibus aliis mo-  
dis,

dis, tum panis: atq; et si raro discedit à scriptis legibus,  
tamen paternum ipse quoq; dolorem accipit, si quid  
durius statuendum sit: Et manu[m]t innocent[er] tueri,  
quām nocentes plectere: manu[m]t parcere in viam re-  
deuntibus, quām desperatos tollere. Grauem princi-  
pem agnoscitis, quo tamen nihil humanius: iustum,  
quo nihil aquius: ore Et sermone regio, regio animo,  
regiis factis: in quem oculos animumq; desigunt prin-  
cipes Germania: quem Megapoli Et communi pa-  
triæ, qui sapiunt, vivere multis annos Et florere desi-  
derant. Vos etiam vota vñā mecum pro eiusdem vi-  
ta Et salute facite, Et preter hoc grati in patronum  
animi specimen nihil nunc aliud hodiè flagitate. E-  
quidem inquit Limen[is], in te deprehendimus, Et mo-  
destiam Et studium nostri: quibus tibi pares esse  
semper studuimus. Nec erit, quod modò velis, ut  
tibi non gratificemur. Ego, inquit Rhoduntia, ut  
video (mihi certè si videor) meis partibus perfuncta  
sum. Audire adhuc aliquid velim: nec aures virgi-  
num audiendo lassæ sunt. Videtisne ut expectent, ut  
attentæ sint? Ibi tum: Ego, inquit Iulia, nihil video,  
nisi, ut nouis sponsis precemur fausta omnia. Ibi  
Limen[is]: Aliquid etiam heroi HENRICO IVLIO  
deberi censeam. Nihil ille desiderabit Limeni, cui

H                      omnia

omnia illa praefita. At ego, Iulia, desidero, & for-  
san hac Rhoduntia. Huc ibam mea Limeni. De-  
libabit igitur Iulia laudes etiam herois HENRICI  
IVLII. Itane vero in os? At tu, Limeni, quid ait  
de minore ELISABETHA Cimbrica? Quam spe-  
cie sit diuina uidetis, quam regio animo, consentane-  
is moribus: mente & oculis in sponsum coniectis: o-  
mnino diu auiæ & heroina simillimam fore augu-  
rор. Exemplo tuo Limeni, me quoq; diuinam es-  
se iubes: quod munus, et si multi mortalium satis ar-  
roganter id faciunt, mihi tamen non sumpsi hactenus.

Dic vero, inquit Rhoduntia, non quantum qui-  
dem omnes scire aueant, & tu foris non nescias: sed  
quod recte dicas. Mira enim de ingenio ducis tui  
semper audiuimus. Nihil hoc mirum, inquit Iu-  
lia. Rara enim in eo indoles enituit à prima infantia:  
cui quam educationem curauerit pater, quam solli-  
cite, antè à me dictum fuit: semper cogitans & ora-  
tione usurpans, quanti sit à teneris adsuefieri. De-  
pueri profectu fama statim maiora fide dissemina-  
uit, retamen minora. Quoquo enim se vertit, non  
in uno alteriore, sed in omnibus quotquot erant aqua-  
lium, superabat facile. Igneus enim olli vigor. Nul-  
la nec impuberem nec ephebum auocabant volupta-

tes:

tes: non somnus, non ludus, non exempla otiantium:  
nulli deterrebant labores: negotium sibi quietem, vi-  
gilias somnum etiam hodie videtur arbitrari. Non  
afficiendus est ieunis laudibus, ut in eleganti scriptu-  
ra, in venusta pronuntiatione, in palestra, in musicis,  
in latina lingua & aliis, repente præstiterit. Fortu-  
natis & potentibus multa tribui fateor, qua ipsi vix  
à limine salutarint. Nostra, vera oratio est. Ac  
qua modo dixi, in aliis magna sint: in HENRICO  
IVLIO erant minima: cui rei testimonio ad vos non  
opus est. Nostis enim hac sorores: vos credatis mi-  
hi velim, dilecta virgines. Per adolescentem differebat  
sapè, de religione, de iure, de militia, de scientia ciui-  
li, de beneficentia, de clementia. Hinc igitur quis  
non perspiceret, non solum ingenii aciem, sed etiam a-  
nimum? nec prophanum esse, nec iniustum, nec timi-  
dum, amantem patriæ, beneficium, semper æquum.  
Si quid in eo esset puerile, in hoc simul inerat, quod in  
puerum non cadere dices: si iocus & sales & ludi,  
confusa illa semper omnia rore quasi senilis alicuius  
sapientia. Talis erat natura, talis educatio: accede-  
bant litteræ. Iussusne an iniussus? lectitabat, scripti-  
tabat, meditabatur, disputabat: qua ad finem bonum  
respicserent. Cupide audiebat qua theologi docerent,

H 2

qua

que de legibus Romanis explicarent iurisconsulti,  
qua de officio & regno homines eruditi depromerent,  
qua de imperio duces militiae commemorarent: si ne-  
mo diceret, quarebat: si quiescerent, iubebat pergere.  
Cum alia veterum monumenta legebat, tum histori-  
as: ac pānē omnium, delineationem animo concepe-  
rat. Igitur mature, adeoq; ephesus summos honores  
adeptus fuit, quibus antē dignus fuisset existimatus,  
& semper deinde se dignum gereret. Exploratum in  
lapide Lydio Biantis dixerim. Huius enim sapiens  
illud dictum: imperio virum indicari. Qui enim  
potest facere, quod vult, idemq; tamen rectē facit:  
de huius demum virtute aliquid certi determinari  
potest: et si ille non quod vellet, se posse facere, sed de-  
bere facere, quod rectum esset, existimabat: immo a-  
liud non volebat, ut prater officium facere minus pos-  
set. Maius hoc et amplius imperium, quod nunc XI.  
mensē gerit, magis id indicat, indicabitq; quam-  
diu in puppe sua Argus sedebit. Vidimus hoc anno,  
ut se fraternē aduersus fratres, ut iuste erga suos, ut  
erga me beneficē gesserit, ut prudenter in omnibus cā-  
teris. Nihil enim inconsultē agit, qui cum ipse pra-  
stet sapientia, tamen de prudentum sententia guber-  
nat rem publicam. Cura ei fuit cura admodum pra-  
ter los-

ter luctum acerbum, & hoc imperii initium. Non  
minus enim humanè patitur. Quam, inquit Li-  
menis, mihi curam narras? Interpellans Rhoduntia  
ait: quam adhuc videmus, quaque gratia ille nauem  
conscendit, & nos quoque hac venimus. Sic est, in-  
quit Iulia. Ab hac cura, de me sedulo cogitabit scio,  
vel iis mandabit, in quibus fides & littera. Fide  
quidem in quaque re gerenda opus est, sed sine litteris  
nihili foret hac deliberatio. Paternum enim benefici-  
um volet esse ratum, atque id cumulare nouo: atque ita  
conseruatione quoque paterna gloria inueniet sibi suam  
propriam: paremne an maiorem, dicent posteri. De  
suis: quibus pater & pro Deo esse meditatur. De se,  
quod est omnium primum, qui fons omnium illius  
meritorum. Ideo vero, quia Deus ipsum bonum, ab  
eo omnia bona, neque aliud præter bonum. Rectè igit  
tur urget heros HENRICVS IVLIVS hoc studium  
nobile & regium: quod ipsum Dei esse dicerem, ni  
Deus foret ipsa bonitas, qui sibi quod habet & quod  
est, parare non potest. In quos contrarium aut mu-  
tatio aliquando cadit: iis talis diligentia conuenit,  
de qua qui remittit, eum à se desciscere necesse est.  
Ante omnia meminit dux noster se hominem esse:  
quod meminisse quam magnum sit, testatum fecit

H 3 sapiens

sapiens rex Macedonum, qui nobili puero manda-  
rat hoc praconium, ut quotidie à cubili à somno sub  
auroram prodeunti diceret: Philippe homo es. Quis  
quis enim hoc in memoria semper habet, quod sapius  
mortales obliuisci animaduertimus; toius in hoc est,  
ne quid committat contra dignitatem hominis: qua  
aut communis est omnium, aut cuiusq;. Maxima  
enim, cum sit hominis, regis equidem, maior est ē  
principis, qui quodam modo suorum populorum rex.  
Atq; hic princeps, et si regiam disciplinam perdidicit,  
sibi tamen non minus opus esse putabit, quasi quodam  
Phœnico Achilleo, aut Nestore Agamemnonio. E-  
rat Pelei filio Phœnix, quasi alter Achilles, qui sic  
cum Achille loqui auderet, ut ipse sècum: regi Gra-  
corum Nestor, pro certo Dei oraculo, à quo sibi di-  
gredi nefas putaret. Sed cum in consenu potenterum  
sive ad regem, vel Nestor timide dicat, vel promo-  
ueat minus, nec auctoritas ea sit Phœnicis, ut Achil-  
lis animos mitiget, quod ipse quoq; heros noster intel-  
lit: ibit ē quietus ante comotiunculam, quotidie  
ad mutos senatores, ut sapiens Arragonum rex, Al-  
fonsus dixisse ē fecisse scribitur. Libri enim nec a-  
dulciantur, nec metuant: nec iis lector succenseat: qui  
faciat, se ipse ludat. Tenet dux HENRICVS IVLIVS.

que

qua poëta fabulis innoluta, inuenient ad vitam bo-  
nis moribus & rectis consiliis erudiendam: tenet Cy-  
ri pædiam, qua sola omnibus artibus regiis principem  
erudire possit: tenet Nicoclem Isocratis, & Dionis  
de regno commentarios: multa præterea ex historiae  
scriptoribus, qua principes de officio doceant. Quis  
dubitat, quin eadem regiaturus sit? è quibus hone-  
stam voluptatem, & mirificas utilitates capiat. In  
rebus enim iucundissimis hoc, spectare pâne eodem  
momento, omnes paries orbis terra quasi oculis, si-  
mulq; res omnibus aniè saculis gestas, quas nosse sit o-  
pera & premium, idq; tui sine parte pericli, ut ait poëta.  
Hoc est vivere, quando non vixisse: hoc ibi esse, ubi  
non fuisse videaris. Animus enim profecto in omnia  
loca, nec solum hac depressa uniuersitatis, sed ad an-  
te-sacula quoq; penetrat. Quid vitius & tutius?  
quâm exemplis discere quid agas, quid fugias, & in  
rep. & in vita domestica: ut te rebus secundis non  
efferas, ut aduersas vel consilio mutes vel fortiter fe-  
ras. Hac cum probè nouerit dux meus: præcepta sa-  
pientiae in manibus habebit, quoties olij aliquid erit  
ab negotiis patriæ, & historias cumprimis. Cum a-  
lia eum exempla mouebunt, tum sua regia gentis  
perillustria, & hac proxima, qua modò explicauimus,  
magnis

magni saceri, saceri, & patris. An non quas sibi pri-  
ma etate leges vita & imperii diuinitus ipse prescri-  
psavit, sancte dies noctesque seruaturum existimemus?  
In quibus a potentibus fæde vel etiam leuiter erra-  
tum fuerit, fugiet: qua cum laude heroës fecerint, &  
mulabitur: qua iudicem neglexerint, ut suspecta &  
isto fastigio indigna, vitabit: denique semper discet,  
semper ut rectè faciat: discet autem legendō, audiendō,  
meditando, agendo, existimando: nec sine hac cu-  
ra iocabitur, nec ambulabit, nec venabitur, nec ci-  
bum sumet, nec somnum denique capiet. Hanc spem  
de heroë nostro mortales valde fouent, quam de eo,  
admodum adhuc puerò, statim conceperant, & ipse  
in hunc diem confirmauit in animis omnium: nec  
fallebit igitur, si quid ex antecedentibus consequens sit,  
video: video præterea longatum, felicem & circum-  
fluentem sempiterna gloria. Fecistis enim me auda-  
culam, postquam in hanc arenam, pene reluctantem  
detrusistis. Timide dixi multa, potissimum hac de  
causa, quod non licitum fuit dicere, ut ante feceram,  
in quo genere vestra fuerunt partes perinde faciles:  
sed de futuris magnam partem fuit oratio. Futuru,   
quod remotius, hoc obscurius est, etiam sapientibus:  
nec minus nobis, quibus tamen datum est longius  
prospici

prospicere. Si quid minus viderim, erudiri ipsa ve-  
lim: si longius progressa fuerim, non mea solius cul-  
pa fuerit. Nullius hac nostrum, inquit Rhoduntia.  
Sic viuamus, ut bene volumus generi mortalium,  
Et hunc omni decore cumulatissimum, quem modo  
verè, parceq; nimium prædicasti: cui item recta fau-  
staq; vera prædixeris, vii nobis quoq; ominari libet.

Vera sis vates, inquit Limenis: Et hac vota qua  
pro salute herois HENRICI IVLII Et heroinæ ELI-  
SABETHÆ Cimbricæ cum bonis omnibus facimus,  
rata sint. His dictis, strepitus in æde diuinus orie-  
batur, unde idem precari virgines apparebat: qua  
Et ipsæ multi iam contionem animaduerterent. Li-  
menis igitur, cum Et sorores surgerent, gratias egit  
hospitiis, nec id multis verbis. Tibi vero, inquit  
Rhoduntia, debemus. Quin, conuersa ad Iuliam, in-  
quit, huic Limenidi gratias referimus, vel eius fa-  
ctum emulamur? Ut videtur, inquit Iulia: vel  
potius, quid videtur? Tricoron hoc, inquit, tibi  
placei, Et quæ in eo fiunt, maximè? Non minus,  
inquit Iulia, mihi, quam tibi hac omnia. Ego in-  
quit Rhoduntia, nostro honori Tricoron etiam in  
adverso littore vel in ripa Varni, vel in ipso foro La-  
tino statuam: quo loco nos primum vidimus. Cir-

I ca quod

ca quod scilicet fana sunt aliqua: magis commoda  
loco non potest. Tum te visemus sapius & audium  
plures venient. Hoc agebam, inquit Rhoduntia:  
nec rogandas censeo, quod ultro factura videmini:  
tamen quod ultro facietis, ut saepe & quamprimum  
faciatis, rogo. Nihil moramur, inquit Limenit.

Ibi igitur Iulia: nec ego moror. In meis enim val-  
libus aut vicino aliquo colle, adificabo nobis Trico-  
reōn tertium: sacrosanctumq; adeo est inter nos ius  
hospitii. Et inter nos, inquit Rhoduntia, & inter  
nostras virgines, & mystas uem nostros. Excipit  
Limenit: Nihil rectius, mihiq; gratius: nihil publicè  
salutarius. Idem mihi gratissimum, inquit Iulia.  
Accersemus & alias è cœlo: & ante omnes Homo-  
nean, Philalethean, & Sophrosynen: quas si una a-  
liquando apud me videbimus: solidum gaudium  
mecum gaudebitis. Tum Rhoduntia: Faciles  
sunt: si annuas, veniant. Ipsa enim ius multos annos  
usa sum familiariter: quo nomine longinquæ etiam  
mihi gratulatum, saepe aduenerunt: alias, quibus do-  
mo avesse non esset integrum, idem fecerunt per inter-  
nuncias vel per epistolas. Cum eisdem igitur dein-  
ceps amicuum constanter colam. Crede, nihil mihi  
hac fuit, nec erit aut suauius aut utilius. Idem &  
ipsa ex-

ipsa experta sum, inquit Limenis. Tum Rhodun-  
tia: sed habent eadem tres diras & potentes aduersa-  
rias, quarum aliqua ubi pauxillum valeat, ibi nulla  
illarum vestigium faciat: Derin, Oeesin & Anago-  
gian. Noua mihi monstra narras, inquit Iulia.

Quae, inquit Rhodunitia, mirum, ni tu senseris.  
Tentant enim non solum certos in orbe populos, sed  
animos ferè singulorum. Deris enim non patitur in-  
ter se conspirare animos hominum, serit suspiciones,  
malevolentiam, odia, altercationes, lites, contentio-  
nes, aternas inimicissas. Oeesis oculos mentium fa-  
scinat, obiciens mortalibus falsas opiniones, & per-  
niciose, tatra etiam mendacia pingens veritatis co-  
loribus. Anagogia seruit libidini imperitorum, con-  
sumacia mater & petulantia, & impudentia, ac de-  
niq; miseria. Non prorsus hoc me fugiebat, inquit  
Iulia: idq; erat, ut de illis aduocandis dicerem. A  
tribus vero earum aduersariis mihi ipsa cauero, &  
meis mystis, omnibusq; qui se ad me conferent, fideli-  
ter consulam, ut illas doctrinae, virtutis & otii hostes  
fugiant & detestentur. Laudo te, inquit Rhodun-  
tia, soror. Conditis igitur utrobiq; templis, agemus  
non Eleusinia, ut Athenienses, nec Hyacinthia, ut  
Lacones, nec Dionysia, ut Thcbani, sed Tricorasia,

I 2 nec no-

nec nobis solum, sed tribus illis potissimum diuis, quas  
Iulia accensendas recte consulit. Atq<sup>s</sup>, inquit Iu-  
lia, ego princeps Tricorasia indixero, si hoc mihi con-  
cedet Rhoduntia. Immo, nihil malo, inquit Rho-  
duntia: ac nisi tu occupares, ipsa iussim. Ambae  
hanc ad hunc portum vidimus: ea me sapè, tu his die-  
bus in ripa Varni: auemus etiam te apud te videre:  
Tricoreon conde, hospitium nobis, & nostris para.

De quibus cum inter eas conuenisset, ante vestibu-  
lum consalutatione facta, statim se quaq<sup>s</sup>, cum suo  
comitatu receperunt, quo loco honori & e-  
molumento essent & ipsis regibus,  
& reliquo generi mor-  
talium.

## F I N I S.

Græca quibus viii vijsum fuit, vel in dialogo, vel ad marginem la-  
tinè reddidimus. In nomine ΑΙΣΟΚΛΗΣ est litterarum transpositio,  
qui αιαγεαμιαπτμος dicitur. Sed rem accipe. A. B. I. 5. Σ. γ. Ο. ζ. Κ. α.  
Λ. ε. Η. δ. Σ. η. In extremo sunt διάνοια, Φιλαληθεα, Ε σωφροσωη: ne-  
cessaria bona in unaquaq<sup>s</sup> honesta societate hominum: concordia, stu-  
dium veri, & modestia sine disciplina. His contraria, θλησ, οιησις και  
αιαγωγια: consentio sine discordia, qua & εργις, secunda est opinio,  
qua & θλησ: tertia neglectio bone educationis, quam & ακαδασιαι si-  
ne perulantiam dixerimus: à quibus litterarum & virtutis culores:  
cum primis abhorreant.

EIVSDEM HEROIS NVPTIIS  
PROPYLAEON  
Alberti Clampñ.

**H**eroum in laudes post interualla resultans  
**M**usa vige & vigila, tacitæ ne sicut Amyclæ  
Ob diuturna graui periœre silentia fato,  
In nihilū recidas. Procul est, vt credere possim,  
Sic tibi lauricomos saltus Heliconis amati  
Obseptos, vt prisco animum perculta vigore,  
Signa sequi nequeas, desuetaq; ad arma cieri.  
Præcipue cum mi quædam diuina voluptas,  
Molibus incurrens validis in pectore gliscat  
Carmine suauidico claros celebrare Hymenæos  
Guelphiadæ magni, quem maiestate suprema,  
Imperio populos regere, amplaq; regna tenere,  
Viuendi satiate pater defessus, adegit,  
Quamprius in cœli templa aurea susciperetur.  
Ille autem ad commune bonū, patriæq; salutē,  
Otio, & illecebris vitæ procul aurius, omnes  
Intendens neruos, & mentis luminum acumen,

I 3

Tantæ

Tantæ molis onus, virtutis amore ministro,  
Et valido procerum regni circum yndiq; septus  
Præsidio, immisis dudum suscepit habenis.  
Et nunc, postquā animi demptis è pectore curis,  
Desolata obitu lustrauit regna paterno,  
Inq; fidem inuictos accepit Saxonas armis,  
Icitur aligeri calcaribus intus Amoris,  
Virgineum tacita tangens dulcedine pectus  
Cæruleæ nymphæ, quæ claro prosata Regum  
Semine, fluetifrago sinuosæ in litore Balthes,  
Martia quâ floret rebus gens Cimbrica gestis,  
Intus & ipsa imis exardet tota medullis.  
Nec iā habitū, vultusq; gerit, velut ante, dolentis;  
Vtpote largifluo lacrymarum flumine lassa,  
Amissi pridem quærens solatia patris (ctum.  
Magnanimum iuuēnē, & summis virtutibus au-

O æquis igitur similes natalibus ambo:  
Ambo pares, orti clarorum è sanguine Regum:  
Ambo gradus ascendentis ætatis adultæ,  
Et par connubium maturo tempore adepti.  
Vnis his tamen infelices casibus ambo,  
Quod, prius optatos quām coniunxit amores,  
Horrida vtriq; sui insedit nox funere patris;  
Queis in concilio velut olim præmeditatis,

Con-

Contigit ante diem humanis concedere rebus,  
Nec tardas natorum vna celebrare iugales. (go?

Sed quid ego hoc vlc<sup>o</sup>, obductaq<sup>;</sup> vulnera tan-  
Quid queror afflictæ geminū vno tempore lumē  
Europæ excisum? non adseritoribus istis  
Tempus eget. Satis hæc, satis hæc alguq<sup>;</sup> fameq<sup>;</sup>  
Solicitæ gentes, & vos luxistis amantes.


Quin ergo attentos animos, auresq<sup>;</sup> reposco,  
Atq<sup>;</sup> aliam blandæ gannitu vocis adulans,  
Excanto Aonia ad partes de rupe sororem,  
Dum teneris animos expletus amoribus, ad se  
Lætus ouansq<sup>;</sup> noua redeat cū coniuge Princeps.

F I N I S.



Contigit sicut dicitur in libro de generatione animalium  
In ceteris portionibus autem epistola tunc hinc (80)  
Sed quid ergo post aliquid quod aperitur  
Quod dicitur super illius locum in quo etiam potest  
Ponitur exceptionis non sicut hanc ipsam  
Tunc ergo. Sit istud et hoc quod secundum istud  
Solicet sententia: Et vos in multis sententias  
Quoniam est sententia diuinorum: Et quod in dolo  
Est enim in dolo sententia vocata  
Tunc si omnes possent utrumque sententiam  
Dicitur ergo sententia de ceteris sententiis sententia  
Istiusmodi sententiae cum ceteris sententiis

## FINIS



Early European Books, Copyright © 2012 ProQuest LLC.  
Images reproduced by courtesy of The Royal Library, Copenhagen.  
IN bis 299 [35,-184 4"]